

大 陸 銀 行 月 刊

第 四 卷 第 三 號

本 號 要 目

- 信託事業之研究(二)
- 解送匯款辦法
- 特約電匯章程
- 本行十五年二月份資產負債情形
- 函件摘錄
- 紐約化學國家銀行國外匯兌部營業概況(續)
- 松江匯兌計算法 宜興匯兌計算法
- 十四年份各銀行業務比較表
- 銀行界消息彙誌
- 中國各地票據之分類
- 押匯事務解說(續)
- 外國匯兌變動之原因
- 北京錢盤沿革
- 漢口錢莊之滙劃
- 十五年二月份內債基金收支報告
- 債券消息彙誌
- 美日競爭太平洋航業之新形勢
- 經濟消息
 - 我國茶葉上年輸出額 開平公司之純益 中東鐵路近八年之營業比較表
 - 北京交易所開做期貨辦法 日本對貿易之趨勢
- 實業名人言行錄(十五) 羅生瓦特小傳

注意。(不得贈與行外之人)

民國十五年三月二十五日發行

民國十二年八月創刊

(總 經 理 處 編 印)

本行各地地址及電報掛號

蘇處	寧行	滬行	滕處	青行	魯行	漢行	清處	京行	大處	津行
蘇州城內觀前大街	南京下關鮮魚巷	上海英租界天津路河南路轉角	滕縣城內鹽店街	青島天津路	濟南商埠二馬路	漢口英租界一碼頭太平街	北京清華學校內	北京西交民巷東口	天津河北大胡同	天津法租界三號路六號路轉角
電報掛號	電報掛號	電報掛號	電報掛號	電報掛號	電報掛號	電報掛號	電報掛號	電報掛號	電報掛號	電報掛號
〇〇〇六	〇〇〇六	〇六六六	〇〇〇六	〇〇〇六	〇〇〇六	〇六六六	無	〇〇〇六	無	〇六六六
		洋文掛號				洋文掛號		洋文掛號		Contibank
		Contibank				Contibank		Contibank		Contibank

大陸銀行月刊

第四卷 第三號 中華民國十五年三月二十五日發行

信託業務之研究(二)

本行信託部正在籌備擬每月在月刊內登載關於信託之論文已詳見上期月刊茲將留日慶應大學學生胡牧所著之日本信託業發達之沿革一文及日本三井信託會社所編之信託淺說問答登載於後即希同人注意爲幸我國信託法未經頒布所有問答語句有於我國不適用者但信託原則及信託營業之範圍則可自問答語中得見一般焉

丹 崖

日本信託業發達之沿革

一 信託法頒布以前之狀況

日本信託業雖自信託法及信託業法制定施行以後始有正式信託公司之產生然此邦信託業之起源在二十六年前即明治三十八年間東京及羣馬已有信託公司之設立至大正十年末統計全國共有五百餘所但在信託法未頒布以前關於信託公司之業務並無法律之規定業此者僅參照商民法之規定自由斟酌故各公司之營業範圍互有異同茲概列之如此

一 財產信託業務

一 公債公司債及股票之募集及承受

- 一 有價證券買賣貸借之媒介業
- 一 不動產買賣貸借之媒介
- 一 資本融通之媒介
- 一 代理放款
- 一 經理資金運用之委託
- 一 經理財產之整理管理及處分
- 一 商行爲之代理及一班事務之代理
- 一 有價證券不動產各種金融投資之經理及商業資金融通之介紹
- 一 各種事業之設計併合組織變更整理清算會計檢查及其他各種公私經濟行爲各種事業之代理
- 一 公司團體各種企業及個人之經濟信用調查
- 一 海外投資資金輸入其他各事業資金之融通
- 一 各種契約及債務保證事務
- 一 土地房屋船舶之買賣貸借及紹介
- 一 土地房屋之評價鑑定及測量製圖
- 一 土木建築之設計及工程之承包

一 物價之鑑定

一 保管業務

此時因信託法尙未頒布法律既無規定故其營業範圍非常廣泛除信託公司以外興業銀行朝鮮銀行台灣銀行北海道拓殖銀行等四行因特別法之規定對於信託業務特許兼營其範圍大概如次

一 金錢信託

一 有價證券信託

一 有擔保公司債發行之信託

一 公債公司債股票之募集承受及利息股息之支付

一 有價證券之買賣

一 保管業務

普通銀行於有價證券之經理及保管業務均在其營業範圍以內但於金錢信託及其他信託業務則禁止兼營而對於有擔保公司債之信託業務則除前述四特殊銀行之外普通銀行如得政府之許可亦得兼營此邦各大銀行皆具此特權茲列如次

第百銀行

第一銀行

三井銀行

三菱銀行

安田銀行

川崎銀行

十五銀行

神田銀行

住友銀行

攝陽銀行

小池銀行

三十四銀行

加島銀行 百三十銀行 近江銀行 藤田銀行

山口銀行 野村銀行 日本信託銀行

朝鮮殖産銀行 早川貼現銀行 藤本貼現銀行

至若信託公司資金之狀況依大正十一年一月之統計資本金在十萬元以上者三百二十六公司其實收資本之總額爲一億一千六百萬元其中資本金在百萬元以上者共九十七公司

二 信託法頒布以後之狀況

信託法未制定以前日本信託業之概況略如前述自大正十一年(四年前)四月信託法及信託業法頒布後信託業務始有法令之規定其所規定之業務如左

主要業務

- 一 金錢信託
- 一 有價證券信託
- 一 金錢債權信託
- 一 動產信託
- 一 土地及其固着物信託
- 一 地上權及土地賃借權信託

附帶業務

- 一 保管事務
- 一 債務保證
- 一 不動產買賣媒介
- 一 金錢及不動產貸借之媒介
- 一 公債公司債及股票之募集及股息利息之支付
- 一 財產之取得管理處分及貸借之代理事務
- 一 財產之整理清查之代理事務
- 一 債權之代理
- 一 債務履行之代理

信託業務既有法定之範圍信託公司之組織及資本亦受法律之限制非資本金在百萬元以上並有股份有限公司之組織不能經營信託業務從前各信託業因法律規定地震影響及自然淘汰轉業之結果多不存在現在信託公司之總數僅三十四矣

信託業務中其動產信託一項在政府提出之草案中並無規定其後始增加之其範圍亦有相當限制大概以大量交易所有行市之商品爲限其種類大別之如次

米穀類 蠶絲 鹽 肥料 棉花 茶 砂糖 大豆 綿毛織物 海產物 綿布等

金錢信託之數目及年限法律亦有相當之限制數目須在五百元以上年限亦規定二年當信託法細

則發布之初金錢信託之年限原定一年十三年十二月改爲二年蓋因信託存款激增之故與銀行存款之吸收競爭日劇且信託業尙在創始時期其勢力不若銀行之雄厚當局者爲免除此種競爭之故遂延長金錢信託之年限但依信託業之性質對於金錢信託加以年限之限制本不相宜將來日本信託業日益發展後此種規定尙有更改之餘地

信託業法頒布以後政府當局取信託銀行兩業互不兼營之主義對於從前特殊銀行兼營信託之業務一律禁止(但朝鮮銀行例外)至若普通銀行特許兼營之有擔保公司債信託業務依政府立法之本旨自應取消但因此種業務成立已久突然更改影響甚大故此時暫仍舊例俟信託公司發達之時再行改訂至若其附帶之保管事務及有價證券之經理等類則銀行業均可兼營並無妨礙

信託公司之性質與銀行不同故對於其營業資金之運用法令上亦有嚴格之限制茲將運用種類錄之如次

- 一 公債公司債股票之應募承受及買入
- 二 以有價證券爲擔保之放款
- 三 動產之購買及以動產擔保之放款
但動產之種類須經大藏省即財政部之認可
- 四 不動產之購入

但其總額不得超過實收資本金及公積金之三分之一

- 五 以不動產及財團作擔保之放款
但財團須經政府立案許可者
- 六 公共團體或產業協會之放款
- 七 郵政貯金及銀行存款
- 八 銀行或信託公司承受支付各種票據之購入

自信託法頒布以後信託業務已有一定之規定不似從前之廣泛而各信託公司之業務以金錢信託（及信託存款）爲最發達蓋因成立未久一般人民對於信託尙未能十分利用不免趨重於金錢信託一途全國各信託公司信託存款之總計在本年三月間已達四億八百四十一萬五千元與去年十二月相較已增加一倍（去年十二月全國信託公司信託財產之總額三億二千七百六十萬四千元其中信託存款二億四千六百〇二萬七千元）其中三井安田住友三公司幾占全額之半尤足使人注意茲將此三公司現在金錢信託額分列如次

公司名稱	金錢信託額	開業年限
三井	一一三、〇〇〇千圓	兩年
安田	五八、〇〇〇	一年
住友	三〇、〇〇〇	八個月

信託存款之所以如此發達者亦有原因蓋現在依銀行公會之公約一流銀行每年定期存款之利息

僅百分之六其他各二流三流銀行雖利率較高然亦不過百分之七而信託存款之利息則在百分之七以上復以信託公司種種宣傳之結果故信託存款逐月激增各大財團為競吸存款起見均作信託業之經營除三井住友安田藤田等公司已開業外三菱（豫定十月開業）川崎（已呈請立案）鴻池各信託公司均在組織進行中對於社會資金之吸收銀行信託相輔而行將來業務日益發達由金錢信託推廣而普及之則日後之發展仍未可限量也

信託淺說問答

問 何謂信託

答 一言以蔽之曰「信任而為存放且一任其所為」是也辭書云 存者交於人手而被保護或保管之謂也至於信託乃由法律規定更進一步一任其管理處分也單言保護或保管則祇對於存入物件慎重保守而已至管理則於慎重保存之外並兼為適當之利用且於必要時加以改良又如所謂處分更不待言所有出賣贈與出借交換及其他一切皆包括在內

問 何物可以為信託

答 現在三井信託會社經營之信託業務為金錢有價證券（公債公司債及股分）金錢債權地皮房屋等是也信託法第一條云「本法所稱信託為財產權之移轉及其他之處分依他人一定之目的使為財產之管理或處分」之謂也此可視為信託之定義

問 何謂財產權之移轉及其他之處分

答 由委託者對於受託者之信託會社如爲金錢則繳付之如爲不動產則爲所有權轉移之登記如爲有價證券則點交之會其不欲以證券運用生利者則由受託者之信託會社爲信託財產登記之手續並同時過戶此謂之表示有價證券信託所謂其他之處分者例如新設定地上權之信託之類但地上權之信託本社概不承辦（運用目的之有價證券信託不爲表示之手續）

問 金銀無論如何皆可至於不動產股票登記登錄改爲會社名義實非存放直成爲會社之財產令人頗感不安請明白述之

答 請勿過慮依信託方法其財產權雖移交信託會社而與信託會社固有之財產完全分別辦理即如性質最易混同之金錢信託既爲信託財產與會社固有財產無論如何尙各別計算况不動產及有價證券在法律上已爲信託財產之明白表示假令會社雖有受扣押之事而信託財產決不波及也

問 銀行辦理之存款及保管業務非信託乎

答 與信託不同銀行收入存款與銀行自身之固有財產相併不必如信託會社之分別管理因而由存款所生之收益金分配方法全與信託相異銀行存款預先約定一定之利率而信託金最初並不知利率若干依其每期運用之實際成績計算收益其中會社僅得少數手續費餘利皆交與存主又銀行保管祇限於存放並不能爲前述之證券運用或爲信託表示之手續也

問 最近信託之利率如何

答 適開所述視運用之實際成績如何而定但本社依數個月前之事實推之可得利率之標準現在為二次之計算期間自存入之日起至少六個月以上一年未滿之間可得週息七厘此雖舉為標準然大致無甚差異

問 願聞保管與有價證券信託之異同

答 信託者當委託之時對於其財產之管理處分必要向信託會社指示一定之目的受託者根據其所指示之目的而為之管理及處分也銀行之保管在滿期時其存入物及存入物之收益統由委託者領收為原則至於信託財產之本金及收益隨委託者之意思自己領收可也指定他人領收亦可也又本金及收益各自分離指定任何人領收亦無不可又本金與收益之全部或其一部之領收限定一人抑或分別指定數人均無不可一任委託者之自由也

問 信託會社代取之債權種類如何

答 票據銀行存款公司債本利股利及其他確實放款等類

問 用普通手段難望收回之債權若付信託可為代取乎

答 非用訴訟手續不能收回之債權概不辦理請委託律師為妥

問 信託財產或其收益之領受人必限於生存之人乎

答 並不限於生存之人例如尚未出生之後代子孫或法律上設立之法人均可指定為領受人

問 鄙人之子不肖擬以余所有財產給予余孫今以財產向貴社信託能否不經余子之手

答 如無損害於令郎應得之遺留產業時當可商辦夫遺留產業者承繼人承繼先代財產之時負有維持門戶之責任當然取得財產額法定家督承繼人有得被承繼人半數之財產此乃民法上規定如此

問 鄙人之親戚近來爲商不利恐有宣告破產之虞現擬以其本人財產中一部爲信託以留爲其妻子贍養貴社能承受否

答 不能承受蓋此乃意在損害債權者而爲信託即使信託手續辦理完備仍須取消也

問 余今對於他方不負絲毫之債現以財產向貴社信託倘他日事不順手不能不宣告破產時其信託財產如何處置

答 信託之財產在信託期間爲信託會社所有其財產除在信託以前發生之權利例如信託前之抵當權與先取特權或因處理信託事務受託者擔任之租稅公課及其他應付受用所生之權利以外決無被扣押或拍賣之虞辱承下問假如閣下他日破產時受益者如非閣下自身其財產當然安全也

問 會社所得之手續費信託費爲數幾何

答 各依事情而異不能詳細說明實在爲數不多

問 訂結信託契約後其財產一任之會社之關係可得聞歟

答 依當初之契約辦理但信託大抵以全權委託會社爲原則故信託貴重財產對於對手之信託會

社應妥爲考量務必選擇信用鞏固確實安心之會社此一層不待說明閣下自了然也

問 信託期間如何定之

答 普通之存入金即指定金錢信託在二年以上其他特種信託在實際上有六個月及一年者長者三十年五十年不等但依會社之便利當訂結契約前雙方協議可也

問 信託契約中途能變更或解約乎

答 信託契約爲委託者受益者（委託者定之）及受託者三人之關係此三人合意則契約條件之變更或解約自由行之可也但指定金錢信託以二年間不得解約爲原則然亦不乏例外有時亦可解約也

問 貴社辦理信託非常安全鄙人此後爲自己或爲家族之將來或爲子孫及其他之利益起見當向貴會信託再問三井信託與三井銀行及三井物產同爲三井家所經營乎

答 是三井家爲最大股東去年成立之新會社也信託會社第一重秘密與責任不論金額之多少請放心商議可也又本社之抱負及其標語爲「最安全之財產委託機關永久不更之顧問及管理人」

本社現在日比谷之營業所係屬臨時二三年後遷移於日本橋區駿河町新建之三井合名會社房屋之一部該建築爲美國最新式可以防止一切災害地下室備有保管箱一萬隻以供顧客之用

行務類

章制

解送匯款辦法

- 一 從前匯款重在取款時以有收款本人親自之圖章爲憑現須收信人圖章與收款人圖章相符如收信蓋章非本人親收至取款時除應蓋本人圖章外應加蓋原收信圖章一同查對
- 一 從前匯款手續多散見附帶於收條之中茲規定彙總印成專件名曰收信須知由各行隨時粘附於匯信封面(或匯信用紙及電匯通知)之上令人得一目了然其說文概分六項已由本處付印
- (一) 收信人接收本行送到匯信(或匯信用紙電匯通知)及正副空白收條應在送信人所持之送信回單簿內蓋章
- (二) 收信蓋章應與信面收款人之姓名相同不得用其他閑章如萬一係家人代收亦應蓋本宅圖章爲憑
- (三) 收款人來行領取匯款應照填收條並蓋收款本人親自之圖章爲憑更須加蓋收信回單簿同樣圖章方能取款

(四) 收款人來行取款應隨帶原送匯信封皮(或信匯用紙或電匯通知)以備查考

(五) 收款人接收滙信(或信滙用紙或電滙通知)後如逾期六個月不來取款本行即將原款退回

(六) 如有疑問可向本行滙款處詢問或向電話 局第 號接洽亦可

一 滙信送出應加意註重回單簿內蓋章爲第一緊要證據是否的確無疑全在此送去責任如送信人遇有疑惑之處或門內住有數家應先在左右鄰舍詢問明白再行逕投以免有冒收情弊

一 回單簿送信回行應由承辦人員詳細考核其所蓋之章有無疑問如非本人親自之圖章須令送信人交代明白

一 登記收款人姓名住址於回單簿時應照滙信封面詳細謄錄如收轉詢交代收轉交等等均須照樣記入以便付款時備查

一 回單簿改用散頁式每次送匯信完畢後由承辦人接續裝訂保存以便隨時查對不致有不應手之處

一 回單簿內蓋章應囑送信人注意總以能蓋收款人親自之圖章爲是如萬一家人代收亦應蓋有足資證明無訛之圖章爲憑(如家族章號房章某宅收件章)當時如祇有閒章竊可原信帶回隨後再送

一 收款人來行取滙款時承辦人須先查對收條蓋章是否與回單簿簽章相同如回單簿原非本人

親自之圖章其收條上亦應照樣附蓋否則不能付款

一 送滙信人各行應選擇識字較多其有精明幹練之專差承送不可隨便使派以資熟習可靠

一 電滙特約電滙信滙凡係投遞性質之滙款均照此辦法其他應具手續本規定未詳者仍舊查照原來辦法辦理

特約電滙章程

一 本行爲謀顧客便利起見特創訂特約掛號電滙一項定名爲「特約電滙」事與電報掛號辦法略同每次滙款祇須納最少之費即可取得電滙之實效省費迅速莫此爲愈

二 凡定此項滙款人須預先來行面洽將收款人姓名住址相約簡括爲一字（但以本行密電本已有之字爲限）填具特約電滙申請書（填寫文字不得潦草以防認錯）簽名蓋章交滙款交掛號

三 特約掛號概無限制凡欲在本行設有總分支行或辦事處之所在地皆可任便掛號或兼掛數號惟在同一地方不得爲相同字之掛號如遇有已經掛定者應另擇他字替代以免貽誤

四 此項滙款除應預先特約掛號外至實際委託滙款時滙款人應具特約電滙請託書將收款人姓名住址電滙金額及特約掛號字等一一書明簽字蓋章交本行存查以爲發電根據

五 凡經特約後如收款人住址遇有遷移或其他變遷時應由特約人（即滙款人）隨時來行改填申請書以便本行得轉知付款行查照但在改填申請書預計未能到達交款地時不得用特約電滙

-
- 六 本行應收滙費仍照普通滙款辦法辦理特約掛號並不另外收掛號費其電報費即按簡字實收
本行各總分支行處之行名均在電局掛略號概亦照實計算以示從優
- 七 關於滙款其他手續與本章程不相抵觸者概照本行電滙章程辦理

資產負債總括表

民國十五年二月份

資 產	總 括 科 目	負 債
	資 本 總 額	5,000,000.00
	各 一 項 公 積 金	1,250,000.00
	各 項 存 款	25,319,000.00
	房 屋 器 具 攤 提	255,000.00
	各項盈餘 (內除各行及總處二月 份開支計86,000.00)	55,000.00
8,000.00	聯行未達除額及兌換定價 與市價之比差	
1,601,000.00	未 收 資 本	
15,841,000.00	各 項 放 款	
4,813,000.00	各 項 證 券	
250,000.00	四 行 儲 蓄 會 基 金	
1,422,000.00	房 屋 地 皮 器 具	
8,061,000.00	存 放 同 業 及 現 金	
	未抵清前期應付未付息	117,000.00
31,996,000.00	合 計	31,996,000.00

業 務

本行十五年二月份資產負債情形

大陸銀行月刊 第四卷 第三號 行務類 業務



函件摘錄

通告寄送本行第七次股東會議事錄

第五二一號通函
十五年四月一日

逕啓者查股東會議事錄歷年均由本處照抄一份分寄各行在案所有本年第七次股東常會議事錄已經本處編就茲隨函附奉一份至希 併入前六屆議事錄妥爲保存以備股東隨時閱看即希查照並見復爲荷

附股東會議事錄一份

大陸銀行民國十五年第七次股東常會議事錄

中華民國十五年三月二十一日在天津法界本總行開第七次股東常會

- 一 談總經理報告本行股權共爲二千四百九十二權今日已到會權數爲一千五百七十九權在二分之一以上應即推舉主席開會
- 二 公推萬璧宸君爲主席衆鼓掌歡迎
- 三 談總經理報告十四年份本行營業狀況略謂查本行歷年營業情形每屆股東常會均經報告在案茲將十四年度營業狀況爲各股東約略述之上年春夏之間時局粗平商業可望發展詎料秋節之後江浙忽起戰事遂致蔓延北省戰地之廣時間之長爲近年來所未有交通梗阻商旅裹足

金融界亦無法放手投資困難情形百倍往昔而本行尤感受困難者當戰事之時存款日益增加放款則無法放手亦只好抱定向來穩健主義兢兢業業腳踏實地向前做去故所受影響尙小根本上極爲鞏固堪爲各股東告慰者也

(一) 毛利損益 十四年度結帳毛利爲一百二十六萬四千三百八十九元一角八分除各項開支及攤提外計純益洋八十八萬零六百六十二元八角五分其中全年收入以利息爲大宗兌換損益及滙水次之有價證券損益又次之其有價證券損益均係實際買賣所生之利益凡迹近投機之交易本行絕對不做此應與各股東聲明者也

(二) 存款 十四年度各種存款計二千四百餘萬元比較十三年度實增多八百三十餘萬元

(三) 放款 十四年度各種放款共約一千四百十餘萬元比較十三年度約多放五百萬元之譜放款總額中定期抵押放款四百三十餘萬元定期信用放款六百三十餘萬元貼現及押滙約共六十餘萬元往來透支約二百七十餘萬元其抵押放款均係社會最有信用之公債及市場最易行銷之貨物爲抵押品其信用放款大半係選擇天津漢口濟南上海蕪湖及內地之揚鎮殷實商號期限既短到期又確可收回事實與抵押放款無異性質即純粹商業投資其往來透支內屬於有押品者約四十餘萬元其餘則屬於信用透支雖無押品然與上述定期信用放款情形相同且平時有存有欠每年陰歷年終均可清結凡係信用稍差及擔保不甚確實者雖有厚利亦一概不做至政府放款本行早已抱定宗旨決不嘗試曾於歷屆常會報告各股東在案

此後仍當本此主義除有確實可靠或易於變賣之押品而又完全合乎本行營業性質者外其餘則一概拒絕以資穩妥

(四)準備 查本行放款總額為一千四百十萬餘元若以存款總額二千四百餘萬元益以本行實收資本及公積金共四百三十餘萬元之數比較則放款總額所佔將及半數其準備不可謂不厚至準備之款除庫存現金二百十餘萬元外計存放本外埠同業共五百七十餘萬元隨時皆可提取現金其餘有價證券項下四百九十餘萬元大抵皆係社會最有信用而隨市易於售脫之公債等其可恃亦不減於現金此外細數已載營業報告不復贅述

(五)四行準備庫及儲蓄會 查本行與鹽業金城中南三銀行聯合營業所設之準備庫其在十三年年底發行鈔票總額為二千二百七十四萬元曾於上屆常會報告股東諸君在案至十四年中南鈔票發行總額以一月間驟增一月二十三日(即舊曆除夕)增至一千五百二十六萬過陰歷年後漸減二月間減至一千一百八十六萬為十四年流通總額最低之數至六月間(端節前後)復增至一千六百二十八萬此後稍減至十月初(中秋節)增至一千七百零二萬為十四年流通總額最高之數結至十四年底計流通額為一千四百五十一萬此十四年份各庫流通總額之大概情形也綜觀十四年份四行準備庫發行鈔票總額較十三年份又增加一百七十餘萬元似此逐年遞增進步不可謂不速蓋因十足準備對外信用甚佳一俟時局平靖更當蒸蒸日上也又查儲蓄會十三年年底儲金總額除四行平均合撥基本儲金一百萬元

外其由普通會員儲金收入已逾三百萬元上屆常會亦曾報告至十四年年底除四行合撥基本儲金一百萬元外其普通會員儲金收入已達七百餘萬元較十三年年底總數又增加一倍以上進步之速於此可見近來儲戶愈形踴躍將來之發達正未有艾也至儲蓄會資金之運用曾由四行嚴行限制除整理案內各項公債之買存及抵押外其他則專做津滬漢租界內之房地押款其穩固當為諸公所深悉無庸贅言矣

(六)津魯擬築倉庫 我行營業日見發達存款日益增多運用方法不外抵押與信用兩項值茲時局尤以抵押放款為銀行進行業務之正軌天津為中外通商口岸進出貨物至夥類如棉花棉紗麪粉等物品皆足有抵押之價值茲為業務穩固起見在天津法界巴黎路西及河邊轉角購妥地皮一塊擬自建倉庫專為客商堆積貨物其棧單即可在本行押款現正籌備建築至魯行所營業務大半係信用放款且為數滋鉅利息雖屬優厚然盡賴信用當此時局殊為可慮查魯省土產甚夥濟南為蒼萃之區攬做押款尚屬易為惟該埠無良好堆棧因之銀行雖多押款尙未能發達茲為提倡該埠押款力圖業務穩固起見特購妥濟南商埠二馬路緯二路地皮一塊除以一部分擬留備建築行屋外餘地擬築倉庫祇以時局多故濟埠適當其衝不得不暫緩進行俟該處地方平靖再行籌備建築

(七)國外滙兌 國外滙兌本商業銀行應有之營業本行為推廣營業力圖發展起見已在美國紐約英國倫敦法國巴黎德國漢堡日本東京神戶長崎橫濱等處訂有代理機關代理本行對

外國一切往來業務現在開辦之初此項業務暫以京津滬漢四行爲限并以滬行爲集中行津京漢三行雖與國外代理機關直接往來但國外代理機關僅開立滬行往來戶頭所有代津京漢三行之收付均在滬行帳上記帳京津漢三行按照內部轉帳手續與滬上轉帳此項辦法已向代理機關接洽覆信尙未到齊一俟到齊即可通告實行惟我國對外貿易多爲外商所經營國外滙兌亦多落於外國銀行之手本行辦理國外滙兌業務自當格外努力以期著有成效也綜觀本行行務頗稱穩固惟時局多艱投資不易辦事同人自當格外努力以謀進取仍希望股東諸君隨時賜教不獨本行之幸亦爲本行同人之幸也

四 監察人報告帳略

監察人李桂山君略謂所有本行十四年份決算各表均經鄙人檢查核對無誤負完全責任至帳目情形已刊列營業報告之內茲不贅述

五 主席謂本行監察人規定二人一年一任今年已屆滿期自應改選即請各股東將改選監察人票填就投入票櫃

主席指定楊朗川袁惠人王卓然張懷之爲檢票員開櫃檢票

賈頌平君得一千五百五十八權

李桂山君得一千五百二十權

楊植民君得十四權（此票被選人祇一位）

紹幼琴君得二十八權

主席報告賈頌平李桂山兩君得權最多當選爲本行監察人

衆鼓掌

主席又報告股東毛稚亭君股權爲七權毛君於投票時有事出席不及投票故開票結果權數爲一千五百七十二權毛君選舉票作廢又股東婁魯青君已在開票之後故婁君選舉票亦作廢

六 主席謂現在應提議事件股東諸君對於本行如有事件請即提出討論

七 股東王靜庵君發言略謂稱謝本行辦事人之成績

八 談總經理答謝並謂此後益當偕同人奮勉

餘默然

主席謂諸君既無事件提議應即散會

主席萬璧宸

通告各行對於存款尾數概不計息

第五二二號通函
十五年四月二日

逕啓者查本行往存特存以及同業存款計算利息辦法曾於會計規則第119條第二項規定往存算至百元爲止不滿百元者不計息同存及往存算至一元爲止不滿一元者不計息但當地有特別情形者不在此限又同條第一項規定存款不及一星期即取出者決算時無論款項大小一概不算利息並於

第180號通函通告各行查照辦理又該號通函附件規定計息及結帳之辦法內第六條第二項訂定凡前項存款半年之內並無進出而其金額又屬零星小數者俟本期利息結算轉帳後應將其餘額轉入某年某期零星戶內次期即不再算利息云云更於各種存款章程及存款簡章定立專條以便顧客咸知各在案本屆行務會議提議因本行以前規訂對於存款之零星小數並未指明以若干元為零星之數此次公同議決凡在十元以下之數均謂之零星小數（其十元以上應否照此辦理由各行自行斟酌情形）嗣後此種零星數目即照以前規訂經過一決算期無進出者即轉入零星戶不計息用特通函奉告即希各行查照辦理為盼

通告各行每年上期決算刪除

資產負債目錄
第五二三號通函
十五年四月二日

逕啓者查本行定章每半年舉行決算一次分配盈餘及報告帳略則均在年終其上期決算完全係內
部結束帳目與下期決算不同且下期決算有監察人查帳關係上期決算之一切手續似可酌量刪減
本屆行務會議滬行提出上項事情擬於上期決算將附表內之資產目錄及負債目錄刪除當經議決
請總處審核酌辦現本處一再考核上期決算該兩附表刪除之後於事實上無甚窒礙即希自本年上
期決算起實行惟每年下期決算仍當查照舊案辦理並希於會計規則第171 173條資產目錄及負債目
錄兩項下各註（上期決算無須編製）等字是為至盼

通告各行庚密電本押脚先令一碼改爲英金

第五二四號通函
十五年四月三日

逕啓者查本行庚密電本所編押脚號碼其貨幣一項列有先令一碼茲因辦理國外滙兌電滙款項以磅價爲單位先令數目較小已不適用應將先令二字改爲英金嗣後關於電滙英金款項其先令辨士均看作如銀兩銀元之小數不照計算押脚爲此通函奉達即希查照辦理爲荷

通告各行新訂解送滙款辦法

第五二五號通函
十五年四月七日

逕啓者前據滙行函稱我行解送滙款責任綦重當此世風險惡人心日壞各銀行不得不竭盡心力以謀雙方之安全擬請採用滙中行送解滙款辦法並略謂該行解款法有兩種解交商號者係信款並收條逕行送去解交個人者均先送通知單隨囑收款人於單內填明滙款人姓名住址金額並彼與滙款人之關係再帶滙款人直接致收款人之信一同與通知單來行領取款信如係假冒者必不能深知滙款人之底細一經盤詰當有破綻可尋等語按此法爲防止被人假冒領款自是較爲穩安然而於顧客便利方面著想則不免跡近煩瑣如收款人未接滙款人來信即不能取出滙款且通常滙款人諒未必每次皆有另信通知况更欲聲明與滙款人之關係其不能普通尤甚當經本處星期會議案內數次討論均覺難以仿行在中行或可如此辦理商業銀行萬不適用本屆行務會議復經本處提出討論亦覺窒碍難行查本行向來辦法均係先將解信連同正副收條憑所開地址用送信回單簿送交收款人盖章收下然後由收款人填具收條並帶同原信封來行取款此法自創行迄今已成慣例應仍照此向章辦理惟此後爲愼益加防起見議定在收款人及收信人之簽章上加以規定例須收款人收條中除應

蓋收款本人簽章外應再查照回單簿內其收滙信時所蓋之簽章一同附蓋俾有根據可查茲特定訂關於此項辦法數條於後即希

查照實行（辦法見章制欄）

通告各行新定特約電滙

第五二六號通函
十五年四月十日

逕啓者查我國電報收價之昂貴甲於全球故銀行電滙顧客每嫌電費太鉅茲爲便利顧客及招徠主顧起見特定特約電滙辦法本屆行務會議衆意僉同茲特說明方法定訂章程其法略同電報掛號及本行庚密電本成語辦法凡顧客來行特約應先令其將收款人名及詳細住址等等簡括爲一字掛號（掛號之字不收掛號費但以本行密電本之字爲限如所）填入申請書簽名蓋章交存備案（申請書由總幫帳保存按付款地名分）匯款行應隨時通知付款行必須俟付款行之通知回單到後方可滙款至實際滙款時（匯款傳票內（電）字）應再由匯款人親填一請託書（匯一次款填寫一次總幫帳應入匯款傳票保存）作爲發電憑證其收算電報費即按此簡字實收此項滙款如遇一日數筆可待至四點鐘後總拍發以期節省行名冠首字之費又對於顧客收費亦可仿行（例如某甲曾掛定上海某乙某丙二對於電文冠首字「上海」大陸銀行「一二」折足實收藉廣招徠爲發電後受掛號人住址適值祇收其一某丙之電即可附入某乙文內拍去矣）遷移不及由特約人通知或掛號行發信未能達到解款行應令其覓其殷實鋪保方能付款此後對於本滙款進行應摘其常往來滙款之人及本有往來之主顧或認爲可以告知者酌量接洽招徠茲特將

此項特約電匯章程先隨函附奉希

囑令經管人員研究熟習以資應對如有不明白處或

尊處有何意見不妨

示及以資參考至於應用書類如「申請書」「請託書」「通知書」及「回單」容印就再行寄奉可也（章程見章制欄）

通告各行頒發總幫帳及主任職務圖章並注意使用方法_{第五二七}

號通函十五年
四月二十日

逕啓者查本年第一次行務會議青行提出議案一件內開竊以銀行存款對於存款人將款取清時其存摺自應繳銷惟有時存款者將大數取出尙有尾數未取或已全數付清而經存款人聲明擬仍續存不取利息則存摺仍應交存款人收執當此世風不古詐僞百出如有人在此摺後自行續登款項來行取款則真摺假數易啓糾紛我行存摺雖有總帳及記帳員蓋用名章然人員時有遷調更換印章頗不一致如有問題發生辯論真假殊無充分理由若在數目上加蓋行章則格式狹小難容敝處詳細研究祇有刻一總帳職務小章蓋於總帳蓋章欄內然後加蓋總帳及經手記帳員名章是項名章雖有更換而職務小章仍可劃一如有虛僞一望而知此項總帳職務小章敝處現已自行刊刻先爲試辦茲將式樣另紙附奉是否有當尙祈指示等情當經詳加討論一致議決於往來存摺及特別往來存摺上除照

舊蓋用經手記帳員個人名章外如由總帳經手者於總帳蓋章欄內蓋用總帳職務圖章由幫帳經手者蓋用幫帳職務圖章清華辦事處無總幫帳應蓋用主任職務圖章總幫帳主任個人名章不必再蓋以省手續是項總幫帳主任職務圖章由總處刊刻頒發以歸一律至舊式存摺此項職務圖章及記帳員個人名章均在收支數目上蓋用各行總幫帳及清處主任如遇遷調離職時應將此項圖章移交後任接管以昭慎重茲由本處刊就

隨函附奉即希

查收照辦並將啓用日期函報備案爲要

通告改訂儲戶須用儲蓄盒辦法

第三十一號儲字通函
十五年四月十二日

逕啓者查本行領用儲蓄盒辦法原訂留存二元仍照計息現經數年來觀察似覺領盒之戶大部均作小孩玩具看待一經領去並不陸續來存早失儲蓄盒之功用而本行逐期計算利息既增無謂麻煩復耗無謂損失茲特改訂辦法將此項留存之二元作爲証金不計利息另帳（即在滿期存付帳上開一儲蓄盒戶）登記所有新領之戶即自本函到達之日實行其原領各戶即於下期起（六月二十一日以後）實行其手續即由該戶帳內沖出二元轉入活存帳上儲蓄盒戶俟存戶持摺來登時存摺上亦照減去二元同時給予此次改訂辦法一張將儲盒繳還時仍將證金退還至此項証金由活期存付張內取出時應在傳票內註明某戶所存第幾號儲盒証金字樣連同繳回之儲盒送陳經副理或總帳簽章方可發還茲另郵寄奉單張改訂辦法 張即希一一預行粘入儲蓄章程第三頁上並照式另抄一張粘貼營業櫃前以便領用戶

接洽統希

查照辦理爲要再前項辦法實行後無論何人均可照章繳入証金三元即可領用儲盒一隻並不限定
已有活期存付儲蓄戶亦不限定有無存款並希

台洽爲荷

行員進退及遷調

行員進退及遷調

十五年三月份


新進人員

- 三月二日 派方繼元充京行練習生
- 三月三日 核准滬行陳請甯行添用周道充練習生
- 同日 核准滬行陳請蘇處添用吳寅洛充練習生
- 同日 核准滬行陳請派李道鏞充滬行第一組領組
- 三月五日 派周澤永充京行助員

解職人員

- 三月三日 核准滬行函報第一組領組程敬釗辭職
- 同日 核准京行函報助員施蔭祐因病辭職
- 三月二十七日 核准津行函報大處辦事員王祥麟因事開缺

大陸銀行月刊 第四卷 第三號 行務類 行員進退及遷調



調查類

金融

紐約化學國家銀行國外匯兌部營業概況 (續)

承受信用 (Acceptance Credit) 承受信用云者乃銀行應顧客之請求代為承受滙票到期付款之謂也信用二字之義在此頗為奧妙蓋滙票之經銀行承受者名曰銀行承受 (Bankers' Acceptance) 到期時承受之銀行即負付款之責任換言之顧客於承受到期前數日 (時期之長短各銀行不同但至遲在到期前一日) 必須籌備充分之款項交付承受銀行以便屆期照付承受信用與抵押放款之性質大略相似二者均有抵押品也其所不同者銀行放款時須交出現金承受票據時但憑信用倘若銀行之信用未著自無顧客請求其承受滙票即使有持滙票請其承受者則此項銀行之承受在市場上將無人過問如此又何取乎銀行承受哉是以銀行承受滙票時必先已信用昭著也英美法日諸國商務發達金融市場組織複雜銀行為金融界之樞紐故其業務隨金融市場以發展銀行信用 (Bank Credit) 亦臻穩固之地位銀行承受信用因此得與抵押放款相比擬從顧客方面觀之利益甚大因銀

行承受匯票時取費極小既承受後又有充分之時期（最長不得過六個月）可以以購進之商品從事於製造或出售在此有效期間內可免受經濟之壓迫再從銀行方面觀之銀行所借出者爲自己之信用而非現金無利息之消耗銀行所取得者爲相當之手續費而非利息有變動之餘地（利息係對放款而言利息太高顧客裹足利息過低銀行虧損手續費則不然可以視顧客之事業信用等而定通融之處頗大）承受信用與抵押放款之性質大略相似已如上述但不同之處亦有數點（一）利益之差別 承受之利厚抵押之利薄因一爲信用一係現金也（二）危險之多寡 前者之危險較大後者之危險較小銀行承做抵押放款時收進之抵押品均爲有市價之票據等除非有意外之事發生危險之度頗小承受票據時銀行恃爲抵押之物爲提單貨單保險單等苟轉運中發生阻碍即使保險公司担任賠償亦須經詳細之調查苟彼時進口商因貨物之未至無物可以出售付款將發生阻碍最後受損失者將爲承受之銀行此種事件雖不常發生然亦意中事也是以二者比較承受票據之危險較大也（三）時間之差別 承受信用之期間較短抵押放款之時期較長因承受信用之時期短促市場上之短期投資者多樂於購買銀行承受如彼有需用之處復可轉售他人此亦銀行承受調劑市場之一法也據美國承受票據公會之報告一九二四年十二月三十一日銀行承受總額已達八萬二千一百萬元之多紐約化學國家銀行因受國家銀行條例之限制最多祇準承受二千萬元之額（約爲其資本之四倍）目前實際之數目爲一千一百餘萬元耳

委託購買 (Authority to Purchase) 中國及其他商業未振興之國家對美貿易出口時用信用滙款

保證書進口時按照國際貿易通例本亦應用信用匯款保證書無如美國出口商對中國之銀行所出之信用匯款保證書不敢相信即使美出口商信任中國之銀行美國銀行亦不敢購買對此信用所出之滙票如中國之銀行請求倫敦之銀行保證倫敦之銀行亦不敢相信不獨英美商人及銀行不敢信任中國之商人且未敢深信中國之銀行信用也是以華商辦進口貨物時用一種委託購買證委託購買證者即中國之銀行有款存於其外國代理機關委託其代買某種指定之滙票是也委託購買證之信用不及信用匯款保證書但較普通之跟單押匯為強因跟單押匯進口商方面之銀行祇担任代收匯款之責如進口商有拒絕承受或付款等事代收之銀行祇有將票據等退回做押匯之銀行轉退至出口商最後之損失仍歸出口商担任若提起訴訟則進口商遠在海外鞭長難及且中國商人之信用未立美出口商更不願如此辦法故美國有貨物運華均用委託購買證蓋以委託購買證係由華進口商方面發動一切費用及責任均由華商担負華銀行並負購買滙票之責倘華商有不肯承受或拒絕付款等事歸華銀行與之交涉是則美商多得華銀行之一重保障也茲設例以明之

例如華甲（中國進口商）向美乙（美國出口商）訂購農業械器五千元華甲知美乙不信任自己之信用於是至華丙（中國之銀行）處請其對美丁（華丙之駐美代理店）出一委託購買證委託美丁代華丙購買美乙對華甲所出之滙票如華丙深信華甲或由華甲交付相當之抵押品時即應華甲之請訂立合同代為照辦此項合同係由華丙印就者名曰担保書（*Authority to Draw or Letter of Guaranty*）令華甲填具簽字擔保書中之主要條件有五（一）美乙對華甲有出票之權滙票上之數目（以

若干元爲限) 及出票日期(在某月某日或該日以前出票方爲有效)亦並言明(二)指明貨物之品質種類並隨附之各種單據(三)不論貨物已到與否或貨物之品質如何及轉運之情形如何華丙概不負責華甲不得因此拒絕承受(四)華甲於未交付款項以前華丙有處分其貨物之權(五)華甲應照付華丙手續費此項擔保書有正副二份均須華甲簽字一份由華丙留存一份由華丙寄至美丁作爲通知書並於書尾加註「以上作爲敝行(華丙)第某號委託購買證請代行一切」(The above is our A. P. No. 000. Please do the needful) 字樣美丁收到後即據以作一通知書 (Advice of authority to Purchase) 至美乙令其對華甲出匯票歸華丙承購先由美丁代購美乙得通知書後即放心運貨然後將匯票提單貨單等持至美丁處美丁檢驗單據等如無差誤即代華丙購進此項匯票同時付華丙之帳滙票單據等分別正副先後寄至華丙華丙於收到匯票單據時即令華甲承受此項滙票或付款然後將單據等交與華甲以上爲委託購買手續之大概也

前項辦法在美乙之滙票尙未發出以前華丙可以託美丁轉知美乙取消原定之合同其所以能任意取消者以其非銀行信用也若係信用保證書則爲銀行信用滙票上之付款人爲銀行承受人亦銀行大概不能任意取消也我國近時通行之委託購買證大都可以撤消撤消權在銀行方面頗有利益譬如委託購買證業已發出而進口商忽然破產當此之時如美國出口商對中國進口商所出之滙票尙未發出或已發出而美行尙未購進時僅可撤消其購買之權以免損失

普通對委託購買證所出之滙票皆有利利息此項利息由進口商擔任付款即如前例美乙之滙票爲五

千元若華甲於美丁付華丙帳後六十日（假定滙票由美寄至中國須一個月之時間見票後一個月付款共為六十日）照付華乙美金五千元則此五千元六十日之利息盡歸烏有華丙不至如是之愚是以華甲付款時非僅五千元之滙票六十日之利息亦須照付假定利率為年息一分二厘則華乙應付華丙美金五千一百元算式如次

$$\begin{aligned} & \$5,000.00 \left(1 + \frac{.12 \times 2}{12} \right) = \$5,000.00 (1 + .02) = \\ & \$5,000.00 + \$100.00 = \$5,100.00 \end{aligned}$$

委託購買證之不如信用滙款保證書已如前述然二者相差之點尙未詳述茲一一細言之如次

一、普通之商業信用滙款保證書係由銀行發出與進口商者進口商得此即可對之發出滙票而以保證書作為信用證（Credentia）持至本地之任何一銀行請求貼現普通慣例被請求貼現之銀行即買進此項滙票而委託購買證係由指定之銀行經手代購滙票此銀行不過進口商方面銀行所指定之代理人耳

二、信用滙款保證書之滙票其付款人為銀行委託購買證之滙票其付款人為進口商

三、普通之商業信用滙款保證書如無言明可以取消之規定不能任意取消而普通中國通行之委託購買證於滙票未經美國代理店購進時均可隨時通知取消

四、如發出信用滙款保證書之銀行無破產等事雖進口商倒閉出票人無被人追償之危險因付款之銀行擔任一切也若委託購買證之進口商有破產之事出票人即負被追償之責

五、用委託購買證之時所出滙票大都均用美金而信用保證書則各種金貨幣兼用也

託收票據 (Bills for Collection) 該行之託收事務亦頗發達平均每日約百筆之多有行員四人專任此事託收之款有俟款項收到後方付者亦有因顧客之信用穩固銀行允其所請先行墊付 (Advance) 所收之一部或全部者前者銀行僅取手續費後者銀行除取手續費外墊款之利息亦須照付此兩種辦法銀行除做代收款項之事外不負若何之責任惟按前項辦法銀行無受損失之虞若付款人拒絕付款時銀行仍將滙票或支票退回按後項辦法銀行負有損失之危險蓋若付款人拒絕付款時託收人適有破產之事此時銀行對付款人既無起訴之權對託收人又無追還之望則所墊之款豈非化爲烏有是以託收人之信用不固者銀行不願先行墊付也至於代收款項手續費之大小須視所收金額之大小及付款地方之遠近以爲定也

凡代收票據爲顧客預爲貼現時銀行人員須先詳細調查顧客之信用及實力顧客之信用實力均佳時尙不能卽抱樂觀尙須察看貼現之票據是否根據信用滙款保證書所發出者有無連附之單據如係跟單票據其單據之交付係在付款時 (Documents on payment) 抑係在承受時 (Documents on Acceptance) 貼現所得之款其用途如何付款人之地點何在所運貨物之品質如何凡此種種要點均應一一查察以定取捨滙票之根據信用滙款保證書所出者較普通之滙票爲強因前者有銀行信用故也信用滙款保證書之滙票其有跟單者較無跟單者穩固苟有不付款項之事發生負責之銀行有物品爲之擔保故付款有望無跟單之票據卽爲光票若付款人拒絕付款負責之銀行必將受累貼現

之銀行將收間接之影響矣匯票之跟單於付款時交付者比較承受時即交付者爲穩固蓋付款時交付則銀行於交付單據時應得之款亦可同時到手無他後患承受時交付則不然倘進口商因營業之不利發生破產之事負責之銀行必須依據進口商人所去之信託收據（已見前期）處分貨物變賣後有損失與否姑置勿論僅就變賣一事而論其手續之繁瑣已不堪言矣且銀行遇有此種事體發生信用必蒙損傷此不可不慎也至於顧客對於貼現之款之用途銀行方面雖不能加以限制然其用途之有利與否不可不查詢詳實以其與將來還款有關係也票據付款地因各國習慣及商情不同宜於平時詳細調查此非一時所能明晰也商品之品質如何在出信用匯款保證書之銀行固已經調查以便定票據之期限在貼現之銀行亦應加以攷慮不可冒昧爲之總之商業習慣各國不同即一國之內亦各地互異業銀行者非特於本業中應洞悉一切其他事業之與銀行稍有關係者亦宜於平時細細研究以供不時之需此歐美各國大銀行之所以費鉅資設立完美之調查課及圖書館者也

美國近時通行之運棉英鎊匯票多爲見票後六十日及九十日付款其單據於承受時交付蓋以棉花須經較長之時期製造匯票之期間過短商人無力付款即使在製造期間內銀行對該棉商有不信任之事尙可處分其已成或未成之貨物其中危險固不甚大耳至若穀票則多爲商人所出其期萬不可長承受時即須付款美人對於東亞之匯票貼現時取息頗大在年利六厘至八厘之間（美國通行不過四五厘耳）以其間危險較他洲爲大交付單據時即須付款以防損失也

未完

內國滙兌計算法

(二十二)松江滙兌計算法

(一)當地商業情形之撮要

松江距滬南僅八十里滬杭車行經其地與滬市最爲接近出產以米爲大宗棉花及雜糧次之米之總額歲約一百二十萬擔花有四五萬包多銷江浙兩省歲值頗鉅此松人所仰以爲生活者也其銷售方法或由客商承辦或由本幫兜攬多以上海爲歸束之地此外有土布綫襪兩種運銷長江一帶每年交易亦不下數十萬金云

(二)本地通用貨幣種類

國幣 卽袁世凱洋市面通用

龍洋 江南湖北廣東之處所鑄者均通用

鷹洋 與龍洋同一通用

雜洋 如北洋機器局北洋造幣廠站人等皆爲雜洋市面不能通用拆扣甚巨

角洋 以廣東雙毫流通最夥次推江南湖北兩處者

銅元 通用當十銅元市面殊爲充斥

(三)本地通用平砵種類

申九八規元

附註

松市本地無銀兩用銀時盡以上海之九八規元爲本位至其他銀兩因無客對絕少借用偶或有之亦概以申市爲移轉

(四)紙幣狀況

本地松江銀行於民國元年開辦時即發行鈔票分一元五元十元票三種總額約十萬元嗣經陸續收回現市上流行祇萬餘元松城附近鄉鎮均通用之無折扣或申水之事此外中交兩行之鈔票亦能流通與現洋無異

(五)當地匯兌機關

甲、銀行

松江銀行 典業銀行

乙、錢莊

牲源錢莊 信餘錢莊

附註

松地前清末季錢莊有八九家先後復相率收歇今僅此而已

(六)直接運輸地點及運費

甲、運輸機關

本地現金多缺均由上海裝運蘇杭嘉湖三地亦可直接運來然以路程較遠運費較鉅則絕少裝運也

乙、貨幣運費

地名	每千元運費
上海	三角五分

(八) 行市計算說明

洋 釐

每銀元一元台申規元七錢二分二厘五毫

附註

松地行市悉與上海同如在松交規元一千兩惟習慣上例以二日為期如松地二十日收進二十二日方在申解出也

(九) 匯兌設例

滙上海規元一千元照下開行市應在松交銀元若干

洋厘行市 規元七錢二分二厘五毫

以上海規元一千兩為本位以洋厘行市七錢二二五除之計應在松交銀元一千三百八十四元零八分

$$\text{算式} \quad \frac{1000}{7225} = 1,384.08$$

(二十三) 宜興滙兌計算法

(一) 當地商業情形之撮要

本地出產稻麥為大宗鮮繭次之陶器竹木石灰又次之稻類在陰曆九月登場產額年約六七百萬擔運者居半數大致秈糯稻多運浙江粳稻多運滬錫米客在浙售得票款向浙莊貼購蘇錫滙票每千元

約貼二元至四元不等滙票既抵蘇錫即可轉入宜莊宜莊不另取費至浙省來宜購辦者均用三聯板期支票根由滬莊入常錫莊之帳然後轉宜宜莊亦不取費惟向例均遲四天收米客之帳小麥於陰曆五月登場專銷常錫售主將款交常錫莊入宜帳須貼滙費每千元一元鮮繭一項多由常州絲客帶現來辦每年銷出約值一百五十萬元餘貨各省皆去款由郵局匯寄爲多

(一)本地通用貨幣種類

國幣 一律通用

龍洋 東三省四川雲南安徽者不用餘均通用

鷹洋 市面通用

角洋 新江南東三省者不用

銅元 除砂質者不用餘均通用

制錢 用以找給尾數

(二)本地通用平砵種類

蘇漕平銀

附註

蘇漕平銀即蘇州補水紋本地向以銀元爲主原無平砵可言但遇申匯規元或蘇匯補水均借用補水爲本位也

(五)當地滙兌機關

裕宜錢莊 鼎康錢莊 恒泰錢莊

(六)直接關係滙兌地點

蘇州 無錫 常州

附註

他埠匯兌均由此三處承轉尤以無錫為最要之地蘇常之款亦往往由無錫轉撥蓋常宜水道何身淺狹小輪每不能抵埠蘇款則更須由無錫上車也

(七)直接運輸地點及運費

甲、運輸機關

宜地現洋運出者多缺少時少偶遇缺現均向常錫由小輪裝進

乙、貨幣運費

地名	每千元運費		備註
	元	角分	
無錫	六八		向無保險
常州	六八		又

(八)行市計算說明

規元行市

每蘇補水紋九百六十七兩五錢合上海規元一千兩

洋厘行市

每銀元一元合補水銀七錢

附註

宜地向無行市習慣上之申規元行市均依蘇州行市照加一兩洋厘行市均依常州行市進出五毫例如蘇規元行市為九百六十六兩五錢零零五毫買進則為六錢九分九厘五毫

(九)滙兌設例

滙上海規元一千兩照下開行市在宜應交銀元若干

蘇州申規元行市 補水九百六十六兩五錢加一兩

常州洋厘行市 補水七錢減五毫

以上海規元一千兩為本位以申規元行市九六七五乘之再以洋厘行市六九九五除之計在宜應交銀元一千三百八十三元一角三分

$$\text{算式 } 1000 \times .9675 \div 6995 = 1,383.13$$

十四年份各銀行業務比較表

以千元為單位中華匯業銀行則以日金千元為單位

行名	資本	已繳	各項公積金	各項存款	各項放款	購置證券	庫存及乘款	全年盈餘	各項開支	各項攤提	全年純益	全年資產總額
大陸銀行	5000	3344	1351	3365	1500	492	754	123	36	4	81	3187
金城銀行	10000	6000	1500	3333	3405	367	1351	172	35	4	135	4777
鹽業銀行	10000	6500	3950	3769	2994	295	1034	233	38	19	186	4765
中南銀行	10000	8500	73	3334	3059	153	847	173	36	3	132	4531
浙江興業銀行	3500	2500	134	3363	3055	305	1383	153	46	15	89	4833
浙江實業銀行	3000	1800	50	1355	1444	277	363	114	23	15	69	2403
新華銀行	5000	2000	55	638	4011	331	404	56	15	2	40	3340
中華銀行	3000	1500	400	841	713	153	310	53	23	4	31	1541
中國實業銀行	10000	3107	62	1345	964	147	381	72	23	5	46	3955

中華銀行	10000	5000	3330	1666	3333	3336	5336	3333	333	333	1996	10000
業銀行												

銀行界消息彙誌

(一) 財部調查銀行狀況 財政部近以銀行逐漸增多誠恐有不守規則之行爲或有濫發鈔票等情事聞現已派員分赴各地切實調查並示令各銀行須造冊具報其調查事項如下(一)銀行資本若干(二)行長姓名及箇人私產(三)發行鈔票若干(四)常年準備金若干(五)營業狀況查明列表報部以憑考核云

(二) 鄂錢局改組銀行之擬議 鄂官票之救濟方法漸已傾向于全體收回發行大洋票之象故以官產押款收兌雖反對者紛起然進行不衰惟銀行自受押後不即出現款以致票價愈落當局遂有整頓之議主張由受押銀團出而担保官票信用先使票價生色一面設法多運現銀如現銀一時難到則由銀團各行分出十兩五兩之流通券多張限期半年收回此時則持流通券可照二錢收進官票市面一律流通有主張仍以錢局改銀行即以官錢局值銀一千六百萬之官產向漢口銀行團錢幫押銀元一千萬元開設銀行定爲官商合辦官股五百萬元商股五百萬元專收官票入股每串作銀二錢至官股五百萬元之資仍可分存各銀行錢莊作爲預備金發行鈔票一千萬元故照官錢局報告單共發行官票九千一百八十餘萬串已收進六百萬串水火損失以八折計算約有六千八百萬串銀行商股收入約二千萬串流通市面不過四千餘萬串多鑄銅元兌現以照信用行使各縣四鄉以此區區之數流通

湖北全省何殊滄海一粟價不期平而自平矣官票爲銅元代券萬不能剷除湖北向以錢爲本位設將官票收盡人民生活程度必高而四鄉各縣採辦棉花雜糧等必以搬運不易而止商務既受影響國稅不無減收故官票一項祇需維持得法仍可信用卓著也至押借一千萬元即以官錢局天字地皮分段標賣以作償還之需

(三)江蘇銀行擴充辦法 江蘇財政廳長兼江蘇銀行總理李錫純現擬擴充該行基金照章招募商股改組爲股份有限公司昨特呈請孫總司令陳省長鑒核略謂原領官本一百萬元嗣因軍需費提撥四十萬元僅存資本六十萬元(內尙有公債票十九萬元未曾收到)又因公家借墊各款爲數至鉅頗有不敷周轉之虞所幸根基穩固信用昭彰各項存款日增歷屆盈餘日積綜計公債項下共存六十餘萬元又行屋堆棧各項不動產共二十餘萬元連同原有資本統共一百餘萬元值茲商務競爭時代欲圖營業發展亟宜添募商股藉資擴充查銀行招募商股於民國十年間先經省議會議決復奉財政部修正江蘇銀行章程內開第一條本銀行組織爲股份有限公司第二條資本銀幣爲四百萬元由省庫撥付半數其他半數募集商股第三條資本省款及商股各收足一百萬元即行開辦各等語並由銀行擬具招募商股簡章呈奉令准照辦在案現在該行事業劃歸職廳主管自應查照定章力圖進行改組爲股份有限公司官商合辦官股應先收一百萬元即以原有資本及公積金抵撥尙覺有盈無絀商股應先收一百萬元兩淮鹽商財力素稱雄厚對於各公司招股亦極躍踴樂輸此次江蘇銀行改爲股份有限公司如由兩淮鹽商承認多數商股則不難足額行務日漸發達即省庫機關亦可酌盈劑虛益臻

鞏固倫蒙核准施行一切招股手續當由銀行按照程序妥爲籌備登報宣佈以廣招徠並乞轉行兩匯運司召集鹽商代爲勸募期收募羣聚之功共享利益均沾之福等因聞兩長擬卽批示照准云

(四)中法銀行清理之經過 中法實業銀行倒閉後從事清理現以五厘金元債券分配於遠東各債權人此事即可告一結束按當該行倒閉之時若照平常法律清理債務所得甚爲微末法外務次官裴斯洛氏曾於該行岌岌可危之時訓令駐遠東各使領聲明法政府願爲該行後盾可以無庸驚惶於是信用恢復遂無提取存款之事然以大勢所趨卒不得不停止營業而法政府因有言在先對於各債權人自覺有一種道德上之責任乃決定以法國應得之庚子賠款償還遠東之債權人並爲公平解決起見決定照該行倒閉時之匯價結算將所有債務一律改爲法郎再合作美金計算並同時請中政府發行此項債券由海關擔保以分配於各債權人而中政府反對此議謂法國名下之庚子賠款應付紙法郎不能以金幣計算於是用金用紙之爭相持不下而海關方面則仍將應付法國賠款之數按金價提出保存於一九二三及一九二四兩年約共積存五百萬金元最後於一九二五年四月十二日兩國政府始議定用金付款並發行債券由海關担保自一九二二年起至一九四五年止於二十三年內收回惟庚子賠款法國承認延期兩年並將積存海關之美金五百萬元由法政府借與中政府應用債券之付息還本亦須自一九二四年起至一九四七年止雖改遲二年而所得則同債券於合同簽字之日即經開印其號數於未發行之前則已分配於各債權人計在遠東印度支那海峽殖民及中日兩國者約三萬人凡於債券未發行之前業已抽中者即予還本日下已到期息票有二即一九二五年七月十五

日與一九二六年一月十五日中法工商銀行現正分發債券於中法實業銀行之各債權人云

(五)道勝銀行權利移交法國問題 中俄合辦之道勝銀行前以俄國革命股本多爲法人購去遂有總行移設巴黎之舉自中俄協定成立後法國政府誠恐道勝權利爲蘇俄否認會屢向中俄兩國提出交涉最近法使復向我國提議將該行利益移由法國保護我國政府以此問題關係甚大致電莫斯科鄭延禧代辦法通知蘇俄政府並與接洽茲聞鄭已有覆電到京謂蘇俄外交委員會函覆道勝銀行係中俄合資設立移交法國保護一層碍難承認請轉陳中國政府據理拒絕並請轉覆法國公使對於俄股轉移法國事當由蘇俄政府與法國商辦應請中國政府查照轉達云

(六)南昌勸業銀行 額定股本一百萬元實收二十五萬元原擬官股以十四年地方公債繳納商股即繳現金正副行長內定爲楊植徐瑞甫兩人行址業已擇定但至今未開幕因商民方面雖早已招認足額惟以官股純繳公債作爲基金殊失公平之道爰擬商諸官股方面亦照商股辦法改繳現金或雙方均繳現金公債各半或通同皆繳公債總以持平辦理爲適當現正與當面接洽一俟決定辦法即行擇期開幕云

(七)正金銀行結帳報告 日本橫濱正金銀行資本雄厚信用素著最近該行第九十二次結帳盈餘達七千餘萬元之鉅該行資本日金一萬萬元正金額皆爲實收資本公積金計日金八千六百五十萬元正總行設在橫濱歷四十七年分行遍設其國內外共有四十二處茲錄其本期利益分配如左

收 款

一、今期得荒利金七千五百二十五萬五千七百四十六元一十五錢

一、前期留餘利金五百五十六萬八千六百二十八元四十三錢

共計得利金八千零八十二萬四千三百七十四元五十八錢

支 款

一、各埠貼色加息經費等金六千六百零一萬八千三百八十三元六十七錢

一、撥留公積款金三百萬元正

一、按常年一分二厘撥給股主紅息六百萬元正

一、留餘後期帳內金五百八十萬五千九百九十元九十一錢

共計金八千零八十二萬四千三百七十四元五十八錢

(八)匯豐銀行去年盈餘 匯豐銀行於香港大會堂舉行股東年會並宣佈去年份盈餘連上屆盈餘三百三十九萬零五百零八元共得盈餘一千五百八十四萬六千九百七十八元一九一四年則有一千六百三十八萬三千八百八十二元現除在去年八月間所派中期股息及董事員酬勞金外擬將餘款一千一百六十六萬四千二百四十二元照下列方式分發 (一)派末期股息每股三錢紅利二鎊按港銀每元合二先令四零三七五便士計共需款六百七十六萬六千五百一十九元 (二)撥款五十萬元入銀幣準金 (三)折抵銀行屋宇價值一百萬元 (四)餘款三百三十九萬七千七百二十二元云

滬中外金融界共組聯合機關

上海外國銀行公會曾要求中國銀行界推派代表銀行加入經中國銀行界反對現悉中外銀行界現方爲大規模之聯合組織據有識之金融家觀察以爲此事如能公允辦到對於上海金融界頗有利益茲向各方調查誌此事經過如下

查上海爲買賣銀行匯票之經紀人中外人俱有外國人有經濟公會可以買賣中外銀行之匯票中國經紀人現計有十六人惟不得經理買賣外國銀行匯票故甚以爲苦去歲該中國經紀人爲營業便利起見曾要求中國銀行行長宋漢章君向外國銀公會接洽當時外國銀公會表示謂不如請中國銀行界推派代表加入外會則經紀人亦可加入並表示銀行及經紀各以五人爲限時宋君即提出於銀行公會但經衆討論之下以中國銀行公會爲部令核准之法定機關而外國銀行公會則並無根據以中國銀行界推派代表加入何人當被推推後願否加入均是問題且外國銀行向以麥加利銀行經理爲會長一成不變華行加入尤多不便當時決定自由加入嗣中交兩行對此曾略加商議結果以中交爲國家銀行至有國際關係之時一有牽制甚爲困難故萬無加入之理此事因之又告停頓現在因擬改由中國銀行公會錢業公會及外國銀行公會合組一聯合機關此事在民國八年頃前滙豐銀行經理史梯芬由滬返港時曾經提議當時中國方面曾提出條件（一）正會長必須中國人（二）副會長二人一爲中國人一爲外人（三）中國經紀人得經理外國銀行匯票（四）華銀行保證輪船提貨時與外人

一律待遇其時以條件未妥又致擱置現在舊事重提外人意旨稍有改變現仍在接洽中云

中國各地票據之分類 (續)

吉林 本地票據分滙票執貼收單三種滙票爲滙兌所用與奉地相同執貼爲見票即付之票據對於存款者發行不啻一種存款證書是也收單祇爲記帳之憑証並無其他用途亦不能讓與云

黑龍江 本地以商業甚爲幼稚使用票據頗少商家所用滙票其付款地多限於東三省境內滙票之外有信票與存單二種其性質即爲存款之証書其式爲二聯式云

營口 本地銀爐及錢莊常用之票據爲滙票及支票二種通用既久形式亦大體相同會票爲見票即付之票據支票爲正票存根及通知書三聯單式之票據票面上註明付款日期如過到期日之次日下午八時以後即爲無效云

長春 本地票據分滙票收單信票三種滙票爲三聯單通例見票後幾日付票面上註明無利息支付款項字樣並註明遺失無效無保不付或外人不付等之附帶條件收單爲錢莊銀號發出之收款証信票爲二聯單式一爲存根一爲正票即一種存單是也

芝罘 本地票據有銅元票及滙票兩種銅元票爲錢莊所發行金額以制錢一千文爲單位其式有縱橫二式色分紅藍二種不過一種錢票而已滙票發向上海付款者爲最多分期與遲期兩種前者爲見票即付之票據後者爲定期付款者又分遲期及板期二種遲期者見票後定期付款板期者出票後若干日付即指定何日付款者是也上述各種之中以遲期付者最爲通用板期者甚少其形

式皆爲縱式有三聯二聯及單頁之別其中以單頁式使用較多云

青島 本地昔隸外人治下故票據種類較爲整齊茲就支票及滙票兩種述之青埠商人多營進出口業與華洋銀行均有往來由銀行發給支票與商人商人除以支票向銀行取款外更可加蓋圖章輾轉流通但當日須至銀行兌取款項滙票爲商人開出他埠付款者爲多以上海爲最濟南次之上海滙票爲見票後五日付濟南爲見票即付者此種滙票每日在錢業公所由賣買雙方議妥作成與銀行之賣滙相彷彿由外埠發至青埠付款謂外埠滙票亦分即期及遲期兩種前者見票即付後者爲見票後三日或五日付現但此種滙票不能轉讓他人綜觀青埠票據支票爲本埠收付款之用滙票則爲與外埠收解款項之用也又商店與銀行往來者可以訂定契約發行期票云

臨沂 本地票據分滙票期票及存票三種臨沂錢莊發出之滙票市面上不能流通茲所謂之滙票乃一種申票上海之油商至青口買油所發出向上海付款之滙票是也此種申票持至臨沂可至錢莊貼現其支付日期者見票後五日付及見票後定期付兩種後者以恐途中紛失不甚歡迎商人賣買發出期票皆隨商議其定期付款之利息一依市面之需給而定高下存票爲各錢莊所發之銅元票是也

臨清 本地票據爲錢票兌條存條滙票等數種錢票一名錢帖以制錢爲單位或一吊五吊或十吊不等票面上有發行店之圖章在市面流通爲無記名式之現金兌換票兌條又名憑條或存條其票面亦爲制錢不過數額較大爲數十吊或百吊至其性質與錢票相同存條一名浮存條即存款單是也金額以制錢爲單位者爲多銀元者次之滙票一名期票在臨清發出行使於他地者也其數每年不下二二三

百萬元臨清素產棉花高粱豆類及其他雜穀等由運河北運可至天津出買多利用此種匯票取償貨價其他票據如借據又名借帖即金錢借貸之証書是也

(未完)

押匯事務解說(續)

押匯匯款保證書 (Letter of Guarantee.) 與上述之信用證書效用相同但稍有異點茲由輸出輸入兩方說明之

一、輸入之時 例如上海之輸入商向美國購入棉花輸入商欲便利輸出商則書一證書叙明「某某輸出商發出之押匯匯票敝店一概承受照付」等字樣此即謂押匯匯款保證書該證書由輸入商提交上海之往來銀行該行如認該商信用素著或徵收相當擔保品後乃通知美國之分行或代理店轉知美國之輸出商使其發行押匯匯票

二、輸出之時 其手續與上述者相反由海外之輸入商以保證書送交其地之銀行更由銀行通知其上海之分行或代理店轉知上海之輸出商該輸出商即依普通手續向該上海銀行或代理店請求押匯其匯票之付款人即為海外之輸入商

加利息匯票 Interest Bearing bill or Interest-bill.

大陸銀行月刊
第四卷
第三號
調查類
金融

No. 150

London, 15th. Feb. 1926.

Exchange £ 1000%.

At sixty days' sight Pay this First of Exchange (Second and Third not paid) to the order of Shanghai Bank Ltd. Shanghai. the Sum of One thousand Pounds Sterling.

with interest added thereto at the rate of 5% per annum, from date hereof, to the approximate due date of Remittance in London. Payable at the above Bank's Drawing rate of Exchange for demand Drafts on London.

Value as per attached documents per s/s ".

To Messrs Wu Change & Co.
Shanghai.

John Bull & Co.

加息滙票之特色（一）票面金額用出票地之貨幣（二）票據上註明關於利息之事項上述之票據爲倫敦 John Bull and Co 發出向訂貨商上海武彰公司收欸者票上書明英鎊當付款之時將利息一併算入其計算利息亦註明「票據自發行日起至滙欸送交倫敦之日止週息五厘并照倫敦滙價計算之」字樣蓋倫敦銀行承做此押滙時即以滙票額面所記之英鎊放出滙票之付款人武彰公司在到期付款時須在上海將此項本息一併以英鎊送交倫敦銀行也

外國滙票票面金額常記明支付地之貨幣但加息滙票則註明發票地之貨幣蓋以滙兌行市之高下其直接負擔損益者當然爲訂貨之人即票據之付款人賣主在外國請求押滙祇取貨物之代價於滙兌損益無大關係至對於付款人之訂貨主如用發票地之貨幣則受貨人得於票據付款期日前如滙價合算時可以換算交欸且可以隨其資金之便利爲臨機之處置再從輸出商方面觀之因滙兌行市之變動本須增減其賣價方得維持其買賣之利益今用發票地之貨幣輸出商對於滙兌行市可不問其高下祇須收回貨物之代價足矣以上述理由觀之由金貨國發至銀貨國之票據多用發票地之貨幣在銀貨國之付款人在金銀比價發生變動時如能處置得當則輸入商可得其利也

（完）

附信託收據樣式

逕啓者本日由 貴行正式交來後列貨物之運輸單據等

貨物之標記及號數	品名及量數	載運船名

該項貨物抵押於 貴行作代付滙票之抵押品滙票係由 對敝公司（或行號）所出
 已由敝公司（或行號）承受於 月 日到期茲由敝公司（或行號）代貴行將該項貨物登
 岸儲藏保管為保證交付此項承受票據之用如該項貨物於承受票據未到期以前可以全部或一部
 賣出時 敝公司（或行號）保證於交付貨物時以其所售之款除還 貴行敝公司（或行號）並將
 指定之貨物保火險與保水險所有保險賠款均交與 貴行保險單亦由 貴行保存此致

銀行台照

具

某年某月某日

TRUST RECEIPT

Shanghai, Feb. 25th., 1926.

Bill No. 150

To the Manager of
The Shanghai Bank Limited.

Sir,

In consideration of your having this day handed over to us Shipping Documents for

Marks & Nos.	Description of goods.	Vessel.
Hcs T 1/50	50B/ Army Blankets	" "

Hypothecated to the Bank as Collateral Security for due Payment of a draft for £1000. drawn upon us by John Bull & Co. of London due 14th July and accepted by us. We hereby engage to land, store and hold the Said on goods behalf of The Shanghai bank as a guarantee for the due payment of our acceptance as above, and in the event of the said goods or any portion thereof being sold and cleared before the maturity of our said acceptance we pledge ourselves to pay unto the Bank the undertake to keep the goods referred, to fully insured against fire, as against marine risks, and to hand over to you the amount of any claims on the underwriters, the policies of insurance being in the meantime held by the Bank.

Yours faithfully,

Wu Chang Trading Co.

大陸銀行月刊
第四卷
第三號
調查類
金融

五十八

附普通押匯信用證書樣式

國際銀行押匯信用證書 第一二五號

逕啓者今委託 貴公司得對 敝行發出見票後六十日付款之滙票而出武彰公司之帳極度爲英金三千鎊以轉運之軍用毛毯爲抵押品

對此信用證書所出之滙票自今日起以在六個月內發出爲有效滙票上並須載明「對上海一九二六年二月十五日第一二五號信用證書所出」字樣又每一滙票應附有全份之轉運單據等即提單（空白背書）貨單及海上保險單或最後之保險通知書

茲敝行與出票人背書人及真誠之持票人訂立合同如滙票係按照本信用證書條件所出者交付時當正式接受但於承受時轉運之一切單據須交與 敝行並請購買滙票者（普通爲出信用證書銀行之代理店或其國外分店譯者附註）在此信用證書之後將所出之一切滙票之金額數量減去此致
某某公司台照

本證書於款項用罄後或期間已滿時仍須繳回

上海國際銀行啓 一九二六年
二月十五日

~~~~~

The International Bank Limited.

No. 125

Shanghai, Feb. 15th, 1926.

To Messrs. A. B. & Co.,  
London.

Dear Sirs,

You are hereby authorized to draw on this Bank at 60 days sight for account of Messrs Wu Chang & Co. to the extent of three thousand Pounds Sterling against shipment of army blanket.

All draft under this Credit must be drawn within Six months from this date and contain the clause "Drawn under Credit No. 125 date Shanghai Feb. 15th. 1926" and each Draft must be accompanied by full shipping documents, consisting of Bill of Lading filled up to order (Blank endorsed) Invoice, Policy of Marine Insurance or with final instruction for Insurance.

And this bank hereby agrees with drawers, Endorsers, and Bonafide holders of drafts drawn in compliance with the terms of this credit that the same shall be duly honored on presentation, provided the shipping documents be surrendered to us against acceptance, and also requests that all drafts shall be written off by the purchasers on the back of this Letter.

We are,

Yours faithfully,

For the International Bank Limited.

Manager.

This letter is to be returned to us when the credit is exhausted or expired.

大陸銀行月刊  
第四卷  
第三號  
調查類  
金融

六十

## 委託倫敦國際銀行購進滙票通知書

國際銀行押滙信用證書 第一五〇號

逕啓者茲委託 貴處購進倫敦某某公司發出付上海武彰公司六十日後見票即付之滙票其一次或數次之金額極度不得超過英金三千鎊但此項滙票或數滙票自今日起須於六個月內發出並附有全份之轉運單據等即提單有空白背書者貨單海上保險單（關於替代武彰公司轉運軍用毛毯者）

凡對此信用購進之滙票其金額須於此證書後減去此證書於欸項用罄後或期滿時仍須繳還此致  
倫敦國際銀行 台照

上海國際銀行啓 一九二六年  
二月十五日

請出票人在滙票上註明對上海一九二六年二月十五日第一五〇號信用證書所出

~~~~~

The International Bank Limited.

No. 150

Shanghai, Feb. 15th., 1926.

Gentlemen,

You are hereby instructed to purchase draft or drafts drawn by Messrs. A. B. & Co. London at 60 Days sight upon Messrs. Wu Chang & Co. Shanghai for any sum or sums not exceeding in all Three thousands Pounds sterling provided that such draft or drafts be drawn within six months from this date and be accompanied by a full set of shipping documents consisting Bills of Lading filled up to order and blank endorsed, Invoice, policy of marine Insurance, relating to the shipment of Army blanket for order and on account of the party above mentioned.

All drafts purchased under this Credit must be written off on the back hereof and this letter is to be returned to us when the Credit is exhausted or expired.

Yours faithfully,

For the International Bank, Limited.

Manager.

To THE INTERNATIONAL BANK, LIMITED,
London.

Drawers are requested to markdrafts as under Credit No. 150 dated Shanghai February 15th. 1926.

大陸銀行月刊
第四卷
第三號
調查類
金融

六十二

外國匯兌變動之原因

外國匯兌者以本國貨幣匯往外國而依匯市折合外國貨幣之謂也是故外國匯兌實即外國貨幣買賣之變相緣各國貨幣其重量成色依其貨幣法皆有一定之規定故此國貨幣折合彼國貨幣其間亦有一定之平價初無變動可言顧需要供給乃物價變動之原則凡百商品皆莫能免外國匯兌既係外國貨幣買賣之變相自亦不能逃此原則故其市價遂有變動發生之可能雖然變動外國匯兌匯價者因不僅需供一端除電匯外其票匯一項因匯票性質之優劣亦大足以使外匯之價呈參差不齊之態請分言之

(第一)因匯票性質之優劣而發生外匯匯價之變動所謂匯票性質之優劣無非指其危險性之大小及買賣利益之巨細而言請復分三項言之

(一)付款期限 匯票因付款期限之不同可分即期定期二種而定期匯票因期限之長短又有長期短期之別長期匯票有為發票後若干日者有為承受後若干日者有為確定某月某日付者短期匯票亦然就中即期匯票到期即付除付款人信用不孚外別無危險可言故其匯價在票匯中恒占最高地位至定期匯票則不問為發票後定期付或為承受後定期付或為確定某日付其長期者危險既較短期為多而在此期內又不能運用其釐金惟有待時其間利息之損失自亦較短期為大雖有貼現之法可以融通款項於未滿期之先然貼現時須將貼現日至滿期日間利息預行扣除損失亦頗不貲在金融緩漫之時貼現率或不甚高此種損失尙易負擔若於匯票未到期前適屆市場資金短缺之際

則留存滙票既非所以寬緩金融之計則勢必出於貼現之一途顧將屆恐慌之際業銀行者方調集現金之不暇當何有餘力以投資於貼現故結果不得不抬高貼現率或竟拒絕貼現果爾則承受此項長期滙票之人危險豈可勝言以故長期滙票之滙價恆占滙票中之最低地位至短期滙票則介乎即期長期之間其危險程度雖不及長期滙票之大而較之即期滙票則實彼勝於此故其滙價恆高於長期滙票而較即期滙票爲低

抑又有進者外國滙票之期限雖確定莫移而真正付款日期則可有若干日之猶豫所謂猶豫期間者是也各國對此猶豫期間規定不一故雖同爲若干日之短期票或同爲若干月之長期票因猶豫期間之不同滙價亦有發生變動之可能餘如滙票滿期日若值星期日或法定休假日在英法諸國法律可於前一日要求付款而在海內諸國法律則須俟至翌日方可付款此種規定與外滙滙價之變動亦略有關係雖二日之差並無若干危險然早一日付款即可多得一日利息若金額巨大則此一日利息之損失固亦頗足觀也

(二)信用 滙票之種類甚多而信用亦不一故其市價極參差約而舉之可分九種一曰銀行滙票(Bank draft)即一國銀行出票滙寄他國銀行請其付款之滙票其出票人與付款人同屬銀行銀行資產較個人爲殷實且其營業情形年有報告公布可以任人調查故其信用最臻上乘其滙價亦最高惟銀行因經營方法之不同從而對於人民發生之信用亦異大抵各國國家銀行或專營外國滙兌有名之銀行如英蘭銀行紐約銀行德意志蘭丹銀行法蘭西銀行日本正金銀行朝鮮銀行之類銀行付款

之滙票其價較高而其他則較低二曰附有信用證書滙票 (Bills under Letter of Credit) 即個人根據銀行所發之信用證書發出或係外國商人根據本國銀行之信用證書發出其付款人皆為銀行故信用亦大惟出票人究係個人故其滙價較之銀行滙票不免稍低三曰附有通知書滙票 (Bills under Letter of Instruction) 即個人根據銀行通知書而發出之滙票通知書與信用證書初無多大區別惟按之外國銀行習慣對於確具信用者則發以信用證書而對於雖有信用而交易度數並不過密者則發以通知書其形式與信用證書相似惟未有「本通知書得經本行通知隨時取消」之文句故其信用似較附信用證書滙票稍遜一籌惟銀行既願發此書則發滙票人之信用必有可以信任之處故其滙價亦較普通滙票為高四曰商業滙票 (Trade Bill) 即由商業機關發行請求其他商業機關付款之滙票商業信用雖不及銀行之顯著然亦有確實資產足資查考迥非個人可及故其滙價雖不及以上三種滙票而類在他種滙票之上五曰個人滙票 (Private Bill) 即商人以個人名義發出請求其他商人付款之滙票因人數之多寡有單名滙票與複名滙票之別前者係一人所發後者係數人所發人數愈多則信用愈大故複名之個人滙票其價格低於商滙票而單名之個人滙票其價格又低於複名之個人滙票六曰押滙滙票 (Bills under Documentary Credit) 即商人根據提單保險單而發出之滙票夫滙票本以對人信用為基礎今發行滙票而根據對物信用是明知對人信用之不足恃雖屆期如有危險得以變賣貨物不如對人信用一旦遭罹不測並此對物信用而無之然購買押滙票多係經營滙兌業務之銀行銀行乃金融機關變賣貨物本有不便且物價變動無常雖加以精密注意猶不能免

於危險故此種匯票之信用遠在個人匯票之下而其價格亦較以上各種匯票爲低七日融通匯票（Accomodate Bill）即銀行因匯兌資金不足而發出以求暫時通融之匯票此種票據通例多屬長期發出此票之銀行如辦理得宜承受之者自無危險可言但不事準備發一融通票據即可唾手而得可貴之資金事之便宜無過於此故往往有濫用此法之弊因而承受之者未必不負危險且此票既係長期其間利息損失亦頗不貲故其價格往往甚低八日不隨貨押匯匯票（Clean Bill）即一面根據貨物一面根據信用而發出之匯票因其售出時並不附以提單保險單故與押匯匯票不同在押匯匯票尙有貨物作價備抵而此則並實在貨物而不一見雖云押匯實同空票若商人一面根據提單已發出押匯匯票售與甲銀行一面復發出此種不隨貨之押匯票售與乙銀行則乙銀行之危險實達極點故此項匯票信用最低價格亦最小總之信用之與匯價如影之隨形響之隨聲信用大則價格高信用小則價格低觀乎逐日之匯兌行市表可以知也

（三）印花稅及手續費 外國匯兌之計算通例多包匯票上應貼之印花及買賣匯兌時銀行與票據經手人應收之手續費在內因各國之法律習慣各不相同從之所徵印花稅及手續費亦有多寡之異大抵徵收多者其價較高而少者則較低

（第二）因需要供給之關係所生外匯匯價之變動

原外國匯兌之發生本由於國際債務關係之成立而國際債務關係之成立則有下列之諸原因故外匯之需供關係亦可於下列諸原因中求之

(一)外國貿易 內國貨物輸出國外則生對外債權外國貨物輸入國內則生對外債務故若輸出超過輸入則債權多於債務而匯兌之供給以增供給增則價格落反之若輸入超過輸出則債務浮於債權而匯兌之需要以增需要增則價格漲雖然此特就一般情形而言若某國商業習慣必待債權人發出求匯滙票方始付款者則債務雖多亦不引起需要之增加反之若其國商業習慣必待債務人發出寄滙滙票然後收款者則債權雖多亦不引起供給之增加是亦不可不知也

(二)有價證券之買賣 國際有價證券之買賣亦頗足以影響外國匯兌之滙價蓋有價證券初亦為商品之一所與貨物不同者貨物一經輸出即不復返一經輸入亦不復出有價證券則可今日買入明日售出明日售出後日復買入且證券如為股票則年有股息及紅利可分如為債票則年有債息可得且有還本之希望故當有價證券購入之際不啻運入大宗貨物因此發生對外債務而引起外國滙兌需要之增加而當屆期付息償本之時則不啻輸出大宗貨物因此發生對外債權而引起外國滙兌供給之增加歐美各國銀行家有鑒於此故當貿易入超之時逆知滙兌行將增加需要乃拋出有價證券以免正貨外溢而當貿易出超之時逆知滙兌行將增加供給乃補入有價證券以防滙價跌落此有價證券買賣影響滙兌之明證也

(三)海外事業之投資 投資海外事業亦為滙兌價格變動之一因蓋當在外設立公司或其他事業之時名雖運用本國資本而接之實際非真以現金裝運該國其所利用者仍係該國固有之正貨故當是時也投資之國即立於債務地位而引起滙兌需要之增加滙兌價格因以上漲迄後營業發達分配

紅利或事業衰落收回資本則復爲債權者而滙兌供給以增滙價以落

(四)輸入外資 一國而輸入外資必其國產業幼稚貿易入超資金不足國內企業萎靡無餘力以爲騰挪之用於是不得已而舉外債故當募集債款之時驟來巨額債權因而滙票之供給增加而惹起外滙滙價之下落洎後屆還本付息之期則債務以生而來滙票之需要因而外滙滙價必至上漲此輸入外資及於外滙滙價之影響也

(五)歲費捐款等 歲費捐款以英國爲最多蓋英國殖民政策厲行已久殖民地偏於全球故年收歲費甚多至捐款雖爲數不多然亦頗有一部份之勢力足以影響於外國匯兌之匯價歲費捐款收入之際則生滙票之供給而付出之時則生滙票之需要故收入時足以使滙價下落而付出時足以使其上漲

(六)運送費保險費等 英國航業發達船舶之多舉世莫儔故每年收入運費頗巨其所以每年雖入超累累而外滙價並不大漲者運送費收入實與有力他如保險費一項亦以英爲收入最多故英國外滙滙價受其影響者亦頗巨

(七)使館領事特派員調查員駐外海軍國際聯盟國際法庭之經費 此種經費都係一國外交上司法上實際上軍事上之必要費用其爲額亦頗不少每年概應由本國滙寄故惹起滙票需要之增加者甚大因而促進外滙滙價之上漲者亦頗烈

(八)賠款 際此國家主義盛行之年因經濟侵略或殖民政策之結果國際戰爭在所不免而戰爭結

果則無非割地賠款此種賠款爲額類非細小如吾國負擔之庚子賠款德國戰後之協約各國賠款即其適例故負款賠款之國於付款之時其外匯行市必多步漲

(九)旅行費留學費僑民滙款 交通日闢民智日開因而旅行留學及僑居外國之事日見增多願旅行留學非在本國匯以用費必不克達旅行留學之目的故一國人民在外旅行或留學甚多者外滙之需要自增而滙價自騰反之本國如爲名勝之地又爲文化燦爛之國則外國之來往與留學者必多而外滙之供給自增

(十)銀行之經手費 銀行經手費一項雖與滙價變動似無關緊要然近世以來交通日闢資金流通如水之就濕火之趨燥各國間相互通融款項之事日見增加對於債票付息及其他募債情事而由外國政府付於本國銀行或由本國政府付於外國銀行之手續費爲數亦至可驚人加以國際間商業上委託之事如購買外國貨幣及外國股票等日見繁雜因而手續費之收支爲額亦日鉅一旦此款滙出或滙入滙兌之變動立見

(十一)套滙 所謂套滙者英文謂之 Arbitrage 日本謂之裁定乃滙兌業者平準滙市之一種方法亦即滙兌業者圖利之一種手段其法先探聽各地之滙市然後一方購入一方售出而謀獲其差益例如有甲乙兩銀行甲在倫敦乙在巴黎甲乙約定合做套滙兌由甲以電報詢乙在巴黎發出倫敦付即期票 10,000 鎊行市若干繼由乙報知甲爲 25.20 法郎若當時倫敦發出巴黎即期票行市爲 25.1 法郎合一鎊則二者相較顯有利益可圖乃囑乙立發一倫敦付 10,000 鎊之即期票甲亦於倫敦發

1 25,2000 法郎之即期票如是則乙將乙票售出可得 25,2000 法郎適足借甲票到期付款之用而甲將甲票售出可得 10,015.9 鎊除抵補乙票到期付款之款之金額外尚有十五鎊十八先令之差益總之此種套匯方法不出購賤售貴之原則購賤則賤者之需要增而自貴售貴則貴者供給加而自賤故其結果足以使不平之滙兌狀態而歸於平準焉

(十二) 期滙票之買賣 期滙票爲可靠之流通證券到期固可兌現期前亦可貼現甚便於資金之運用加以各國法律對於銀行之紙幣發行恆規定以期滙票爲保證準備而金滙兌本位之國亦多以期滙票作滙兌基金故期滙票之買賣於以頗繁而英倫及奧匈諸銀行資產負債表中中期滙票一項且成爲資產方之重要子目然則外滙行市焉得不受影響哉

(十三) 融通滙票之發行 何謂融通滙票已於前文述及茲舉例以說明之設紐約商人某甲見乙種股票大可投資然手頭初無現金乃以十萬元之票據向銀行押借八萬元願銀行一旦失八萬元之資金於運用上殊多不便不得不別謀抵補之法乃出一若干日期某銀行付款之融通滙票以出售於紐約市場於是八萬元之資金即回入銀行手續之便無逾於此故美國年當春夏之交例有大批融通滙票出現市場此種滙票之供給一多滙價日即下跌

(十四) 市場狀況 市場狀況之影響於外滙匯價者迥非以上各項可比其在平時市場狀況雖似與滙兌毫無影響然實則隱然有一種潛勢力伏於其間一屆市面恐慌此勢力頓顯其作用在平時外滙滙價雖有變動終不能離滙兌平價加減運現費用之上下兩關所謂現金輸送點而出手其外一屆恐

慌則凡此原則俱失其根據例如當一八六一年春美國南北戰爭將起之時其對外匯兌行市竟跌至現金輸送點以下即其適例攷其所以誠以市場恐慌百業有瓦解之勢利率暴騰企業無發達之望凡屬市民孰不自危資金之急待積聚理所固然故售賣滙票者與其由外國裝現以來反不如忍受一二犧牲可以立得現金故斯時之滙兌行市一跌必至再跌極無常軌可言誰實爲之孰令致之則金融狀況發生變態之故也

(十五)貨幣情形 與市場狀況居同等勢力之地位者則爲貨幣情形蓋外國滙兌本係外國貨幣之買賣故貨幣情形影響於滙價者自必深切著明各貨幣有賠值情形則昔日之一便士今日將爲二便士故實際滙價即無變動表面上亦將成跌落之狀反之如貨幣有漲價情形則昔日之三元今日將爲二元故實際滙價即無變動表面上亦將呈上漲之態此貨幣情形及於外滙之影響也至貨幣漲價及賠值原因則約略可舉之如左

(甲)貨幣漲價之原因

(一)基於需要增加原因

子 人口增加

丑 商業發達

(二)基於供給減少之原因

寅 金屬減少

卯 正貨流出

辰 現金埋藏

(乙) 貨幣貶值之原因

(一) 子 人口減少

丑 交通增便

寅 信用發達

卯 商業不振

(二) 基於供給增加之原因

辰 正貨流入

巳 鑄造浮濫

午 利率增高

總之外國滙兌變動之原因紛雜錯綜舉不勝舉以上所述亦不過爰就所見言其大略而已

北京錢盤沿革

北京錢盤核算法雖老於錢業者亦祇知當然而不知所以然蓋此算法相沿已久歷經改革殆與原來立法本意相去遠甚若不溯本窮源實難索解茲將錢盤沿革列舉於後以供參考

(一) 交通 北京市在庚子以前街道車脚郵電等項交通上種種設備悉付缺如極感不便錢業中如

四大恒各錢號每日由錢市以信用將行市報告櫃上其餘各錢行商店聽憑小報（報行市人）沿街挨戶喊告且報且走而錢商對於顧客避免公開起見不得不用此法以難之此種陋俗匪特錢行一業爲然（如各行所用暗語）尤不獨京師一隅已也迨庚子以還始有德律風與築馬路廢轎車改用人力車腳踏車馬車汽車電車以及電話郵政鐵路各項交通事業漸有進步焉

（二）平色 北京所用平碼有庫平京公砵平市平京平之分庫平比京公砵平每百兩大三兩六錢京公砵平比市平每百兩大七錢市平比京平每百兩大二兩部庫以庫平爲主金融界以京公砵平爲主錢市以市平爲上社會上以京平爲最通用

銀兩種類成色亦殊不一各省解部大寶每錠庫平五十兩京鑄十足小寶每錠庫平十兩松江鏤每錠市平五兩松江鏤成色例爲九八色（即每百兩低色二兩）而實際上成色不一以爐匠手藝愈高提抽愈多成分愈低行使極爲不便

（三）每泡 每泡市銀規定市平松江銀五十三兩（約合每隻庫寶之數）松江銀色既如上述買賣雙方時有爭議隨由珠寶市各爐房議定每包市銀用紙包好封固加蓋各該爐房圖記作爲籌碼一律通用每泡想係每包之訛俗稱每宗東西爲一泡子亦一包之意也

（四）五十二兩六錢五分 每包市銀爲市平松江銀五十三兩而錢業又以京公砵平爲主按市五十二兩比京公砵平小三錢五分其三兩零數不計以免畸零不盡故由市平五十三兩上減去三錢五分等於五十二兩六錢五分即以此爲算法定率所以得每泡合錢總數後欲求其每兩合錢若干須用五十

三兩除之可見每兩合錢若干係指市平松江銀而言嗣因十足小寶盛興松江鏤漸稀籌碼制度遂廢改用京公砵平足銀五十二兩六錢五分（因京平比市平每兩小二分足銀比松江課高色二分平色相抵）每兩合錢若干即爲京平足銀一兩之價也

（五）銀兩與銀元 辛亥以後銀兩漸形絕跡乃以銀元替代按照每日銀元行市合銀元若干嗣以如此核算甚爲繁複當其時每泡市銀合銀元恒在七十二元左右經錢業議定銀元錢盤每泡以銀元七十二元爲定率行市漲落則以折頭伸縮之始而銀兩盤及銀元盤尙屬兩開行市均以五十二兩六錢五分爲算率繼因銀兩斷絕僅開銀元錢盤其核算法亦如銀兩錢盤其不同之點在合錢之數係以七十二元餘之不以五十三兩除之耳

（六）幾分盤 譬如二分盤即以銀二分買錢一吊（銅元十枚）是以二分盤不折而言若有折頭（行市）係由五十二兩六錢五分上減去拆頭若干換言之即幾分盤不足之數也

（七）拐盤 行市既以幾分爲定盤復以折頭伸縮之行市漲落至少以銀五分爲一級但此盤應拆至若干爲極度超過極度即拐至彼盤譬如二分盤之折頭極度與二分半盤不折所得結果相等例如二分盤之折頭極度（拐盤）爲十兩零五錢三分因行市漲落一級爲五分故折至十兩零五錢爲止如達其極數即拐至二分半盤不折是也

漢口錢莊之匯劃

漢口錢莊發行之銀票彼此概以現金取付其手續甚繁周轉維艱故每屆比期通宵達旦危險堪虞光

緒庚寅年間寶源長錢莊經理劉明泉發起與同業孫理和朱衣言等組織滙劃所滙劃者以銀票會合一處將數目互相劃撥所以省搬送現金之勞也但是時僅限於月底月半二期仍以現金取付事務所亦設寶源長內因事屬創始加入者僅十餘家未幾解散一次嗣後又由陶桂生等倡議續辦每比期由各錢莊派員輪流經理時間以下午八句鐘起至十二鐘止以辦法不無缺點中間又斷續數次遂漸改良始達完備錢莊之廚役工價極微全恃運送現銀課力錢以資彌補每送銀千兩得錢一百文滙劃一興收入頓失乃籌妥善議辦法每千兩繳錢七十文內扣五十文由各該莊自給廚役餘二十文即交滙劃所作爲津貼房租及雜品之用辦事人員均係純粹義務不取薪水越數年此項收入亦積有成數余海平提議將此項存款於黃陂街建築錢業公會不敷之數由在會錢莊每家墊銀二三百兩滙劃所遂由寶源長而遷入公會焉

民國初年鳳麟街之新公所成立滙劃處亦同時附設於內經理滙劃者皆爲錢業中人分固定與兼代兩種固定者有一定薪水兼代者稍有津貼兼代人數因事務之繁簡臨時酌定然加入滙劃者亦不過三四十家滙劃次數又僅限於比期事實上並無所謂繁劇也民國八年又於新會所之傍加以擴充同業之滙劃者達六十家滙劃次數除月半月底兩大比期外初五初十二二十五之小比期亦舉行之經理滙劃者漸多至十餘人

近年以來商業日趨發達錢莊發行之銀票因現金運不勝運而危險殊甚且以現銀日少常起恐慌故自十二年起舉行逐日滙劃錢莊同業幾全體加入辦事亦多至三十餘人中間曾發生事故至十四年

公決除去多家其被屏棄者頗生異議本年辦法傳有修改之處但現尙在徵求意見中暫難決定

至於滙劃之法例如甲莊收到乙莊之銀票即由甲莊持往乙莊驗照乙莊驗明無訛即加蓋一戳記於票面仍由甲莊携回至下午彙齊此類銀票若干計數若干並加寫劃條一紙着人送往公會滙劃處匯劃經理人查核收訖蓋戳於甲莊之送銀蓋印簿上俟各家送齊後再從事分別抵撥如甲莊尙須找乙莊之款由滙劃處寫一上條付與乙莊俟乙莊向甲莊之上條兌取現銀後由甲莊將二條送回滙劃處乙莊始可持摺至滙劃處收回本票以清手續如乙莊找甲莊若干辦法亦同餘如丙丁各莊照此類推惟每日下午滙劃時間人數既衆喧嚷亦在所難免也茲更錄十四年錢業公會公布之滙劃規則於下

一 比期上滙劃以九句鐘起至十二句鐘截止至遲不過二點鐘如逾限定時間即行議罰公訂罰金在第一次處罰二兩第二次四兩第三次六兩按次遞加如在第四次者即請自行退會再抵解之票倘延至當晚四句鐘尙未交到者即行退票如有出爲維持者應擔負完全責任

一 比期滙劃抵解畢所應找出之款以次日十二句鐘以前解清逾時尙未交清即應退票如有出爲維持者應負完全之責

一 逐日上滙劃以五點鐘起七點鐘止至遲不過八點鐘如逾時議罰

一 逐日滙劃抵解畢所應找出之款以當晚十一點鐘交清逾時即行退票如有出爲維持者應負其責

一 每逢五逢十比期事較平日稍繁准延長一小時逾時議罰

一 維持願擔負責任者必須同業二家亦須經本會同意方可


一 滙劃之票無論莊票支票滙票以及滙劃條已經蓋有滙劃抵解之章者祇能作同業滙劃抵解不能移作他項之用倘無外界授受此種抵解之票一概無效

一 門市現換無論本票外票一律均須證明來歷否則即歸該莊自理

一 本公司錢洋兩場交易應恢復舊例如售出錢洋之欸無論有無滙劃者須當日六點鐘兌現不得以本莊劃條作抵倘遇現銀缺乏時須以他家滙劃莊票抵用亦必須用票之家蓋章負責



大陸銀行月刊 第四卷 第二號 調查類 金融



財政

十五年二月份內債基金收支報告

民國十五年二月份總稅務司經理內債基金處收入付出及結存銀洋報告

備	結存	出 付		入 收	
		出	付	入	收
	二月底結存銀洋五百六十七萬七千二百七十五元五分			截至本年二月一日中交兩銀行結存銀洋	三百九十七萬四千七百五十七元七角七分
	前項結存數內含有到期應付而尚未付出暨備付將次到期之債務三項列後			總稅務司由民國十四年關係項下撥入內債基金	一百八十二萬三千四百五十五元五角一分
	(一) 結至本年二月二十八日止已經到期而尚未兌取之息票計銀洋八十五萬七千三百九十四元八角九分			又本年一月四日撥入	三百三十六萬三千二百八十九元六角
	至本年二月二十八日止前經中籤而尚未兌取之債票計銀洋六十九萬八千八百二十四元七角四分			二月分共計收入	九百十六萬一千四百五十二元八角八分
	共計一百五十五萬六千二百九十九元六角三分			中交兩銀行二月分付出各項整理內債基金	四萬四千七百六十六元五角七分
				中交兩銀行二月分付出各項中籤債票本金	七萬六千一百二十一元六角六分
				總稅務司撥還中交兩銀行在整理內債案成立以前墊付各債本息之一部分(一月四日付出)	三百三十六萬三千二百八十九元六角
				二月分共計付出	三百四十八萬四千一百七十七元八角三分

考

- (二) 備付本年三月三十一日期整理金融公債利息銀洋六十四萬七千五百二十九元
 - (三) 備付本年三月三十一日期整理金融公債第九次中籤債票之一部分銀洋三百四十七萬三千五百二十六元四角二分
- 三項共計五百六十七萬七千二百七十五元五分

債券消息彙誌

- (一) 十一年八厘短期公債 十一年八厘短期公債第一次還本債票又第一號息票均扣至本年五月三十一日止三年期滿應照章停付本息業已發出通告矣
- (二) 日金九六公債中籤過期作廢 財政部函致正金銀行云十一年八釐日金債票第一次還本中籤之票限於五月三十一日以前領取過期即行作廢云
- (三) 國庫券展期三個月 五月一日到期有利國庫券及四月二十六日到期之定期庫券財政部昨已通行各機關中交兩銀行平市官錢局因庫款支絀再展期三月
- (四) 金融公債十一期付息 財政部函致總稅務司云整理金融短期公債第十一期利息本部擬按期照付仍援上屆成案辦理請照數撥款逕與中交兩銀行接洽
- (五) 五債號碼以中文為準 中國銀行收有五年公債第二次換發新票五元票號碼不符函請公債局核辦已奉部函以中文號碼為準照數還本

(六)五年公債開始付息期。五年公債第二十次付息之款業經總稅務司允撥財政部昨函中交兩銀行云三月三十一日爲五年公債開始付息之期請查照轉飭辦理

(七)日金債券本息正式出帳。財政部函北京正金銀行云日金債券第三次本金暨第三期八厘息金共計實付日金一百四十五萬三千二百零八元函請正式出帳

(八)十一年公債抽籤預誌。財政部內國公債局因十一年短期公債現已到期業函知內務部定於五月十日於中央公園舉行抽籤云

美日競爭太平洋航業之新形勢

上海太平洋航業在三年以前因日商各公司與北美合衆國之航務部互競對華航業雙方以競爭過烈釀成輪多貨少噸位過賒結果兩敗俱傷是以此兩年來該路之航務乃轉覺沉寂無聞也然而此二載之中中美航業界之變遷層見迭出美國航務部以對華航務之失敗由是將所有太平洋一路之各郵船紛紛抑價出售改歸商辦(但仍限於美國商人)政府僅處監視補助地位劃定航線使無衝突之事故現在美國政府之著名總統輪十七艘悉數爲美國商人私家所有矣因政府船之出售美國木業商家勞勃大來氏一躍而爲輪船大王蓋此十七艘聞名世界之總統號郵船已完全爲其收買而賡續太平洋航務矣至於日商方面當一九二三年日本郵船會社大阪郵船公司等以競爭失敗以來遂改變宗旨將歐洲航路上積極進行迨至去年冬間因日商東洋汽船會社之營業不振在華受迭年抵制之影響結至去冬共虧耗有三千七百餘萬元而日政府乃有強制該社併入日郵社接辦此中美第一

條舊金山航路因此之故而又激起在華各外輪之競爭此太平洋線內的海運權而久寂無聲之中美綫航業又起激烈的新風雲矣今就現狀分紀如下此亦爲對外貿易上最近之爭潮也

〔兩日輪合作之成立〕東洋汽船會社爲日本經營舊金山至上海香港間之唯一郵船公司創立至今垂三十餘年初辦時基金爲四千萬美元在中美航路內之使用各郵船向占第一位者清季五大臣出洋攷察憲政卽乘該社之郵船也歐戰時曾餘二千萬元當卽將此餘金添建一萬噸級貨輪十一艘卽爲巴洋丸香洋丸麗洋丸墨洋丸等輪是也初不料各新船先後落成之後卽遇吾國抵制風潮又以該社各輪之營業向來以美人乘客爲主故公司內職員全用美人辦事一洗日商雇用日人辦事之積習及一九二二年美國在華增設西雅圖郵船改派舊金山路內之巨輪而政府又有勸告在外僑商應乘本國郵船美國商品應裝本國船舶從此以後該公司營業受根本上之打擊而美商之乘客絕踪美貨之運輸中斷年年虧耗至去年已現不支之勢該國管理航業之遞信省以維持日本船在太平洋航行權並力謀日郵社在太平洋航業上占優厚之利卽由遞信省之安達相主張併入日郵社將東洋公司之五郵船如大洋丸天洋丸春洋丸高麗丸及西比利亞丸由三月十四日始統交日郵社接航舊金山至上海香港小呂宋航綫而安洋丸銀洋丸樂洋丸靜洋丸紀洋丸等六艘仍令派行南美班一路內今兩方條件業經議妥日郵社以十二萬六千股股份交東洋公司自三月十五日起已經開始辦理結束限定以五月十四日爲止儘兩個月內結束職員中各埠留交該新公司者共計八百名但悉爲日本人在中國之華人職員一律給三個月工薪退職日郵社接辦此舊金山航線後除接十輪五艘之

外今又在川崎三菱兩船廠又訂造二萬四千噸級之排水量郵船三艘每船造費爲一千另五十萬元一切布置悉照昌興之皇后輪使超過同路五美輪之上此三新船之機器全用摩托引擎每小時之速率可行二十二海里此項新郵船在本年冬間可以落成行駛因此該社特發社公債三千萬元並在南美航路內亦請日政府補助現經遞信省批准每年南北美兩航路由日政府津貼洋一百十萬元以十五年爲期今已以天津丸輪東航班爲始實行擴張云

【川崎急增中美航輪】日商航輪之在中國者共五家而經營外洋航務者祇大阪日郵兩公司自去年川崎公司在滬增開世界班船本年又添開北海道新路線該公司鑒于東洋公司之歸併日郵社乘機在上海增開太平洋中美新航路專以開行舊金山至神戶上海班但該公司以專營中國貨之運輸故不赴香港小呂宋起迄地以上海到舊金山爲止預備以一萬噸船四艘開行此路今已經該公司將此路之航線船舶呈報日政府並要求援案亦津貼補助費五十萬元一年一面則籌備開航手續俟政府批准便即開行兩個月內可以成立從此中美線內又將多一新公司矣

【提督輪出售問題】美商提督輪公司係創航西雅圖至上海航輪之第一家該公司在初開行時祇派貨輪八艘往來上海香港小呂宋及日本北美之間近年西雅圖運華貨件以麥粉木頭兩項最多動輒數萬包數百萬尺一批裝來該公司創行斯路後日商大阪公司之北美塔古姆輪亦將航線延長至西雅圖以與競爭日郵社更增開華南至西雅圖與華北至西雅圖之兩綫由是此路航輪驟形發達日美兩國之輪彼此競爭日劇各不相下後提督公司向美航部承租「五三五」級輪五艘（即每輪長五百

三十五尺淨量爲二萬一千八百噸之總統輪）增開郵船兼售搭客日郵社亦加造一萬三千噸之快輪飛鳥丸愛岩丸二艘將使用船擴充至八輪大阪公司亦加入巴黎丸倫敦丸兩艘亦擴充至七艘專與提督競爭此中美間之運輸營業日人向以抱定占太平洋霸權之見解故對於美輪之經航中國者日人必力爭之而日政府且助以巨款補助也此兩年中日美輪在太平洋內可爲各竭全力互競之時期船舶日多而貨件則日少其原因則（一）中國內戰不絕出口貨多爲阻滯有貨不能裝（二）日商三井洋行國際汽船社等亦各加派貨輪行此路綫之內前三年每月不過五班輪往來至今則加增在四倍以上貨色有限噸位過剩結果各輪公司無一不受損失日輪則有政府之補助又因開支較省營業上更非單純營此一路與美輪之專航斯綫者情勢大不相同也提督公司在此三年中受損失甚巨本年各地戰事不息中國出口貨一落千丈水脚收入大減虧累日甚至今勢有不能維持之概遂經該公司議決將此五總統輪交還美航部停止此五郵船營業單行中美間之貨輪一路將船舶加至十二艘美政府收回此五船援舊金山之五輪例仍投標發售由美國巨富航業家大來氏出資買得美政府允予售給該行其船價仍照舊金山內之五輪賣價計美金六百五十萬元合華幣約一千三百萬元據稱美政府建造此項總統輪時每艘之造價與各客位並船中各客廳等等之布置裝璜等需美金八百萬元五船之成本在四千萬元今僅售百分之十五六分美政府因平日賠累開支日大故不惜忍痛售出今大來購入此五輪（一）約克遜（二）約弗遜（三）爵臣（四）麥狄遜（五）麥金萊號後所有美政府之十七隻總統輪完全歸其一家所得現定本月二十三日交船該行刻已在會議接收後之擴充營

業計劃議定航綫仍舊但在華須延長路綫添加新航埠三處定五月一日起實行云

大陸銀行月刊 第四卷 第三號 調查類 財政

經濟

我國茶葉上年輸出額

我國茶葉向爲外人所歡迎外商羣集於我國中部之漢口採運全國每年輸出外國者約值五十萬兩清光緒末年後我國商人多有混入雜質於其中而裝璜上又不講求改良是時印度錫蘭茶乘時而起在銷場上陡然增一勁敵外人對於華茶遂有輕視之勢我國茶商幾於一蹶不振幸歐戰以來美法兩國人士喜嗜華茶近年以來我國茶葉日見起色茲將去年輸出總額錄之如下

名目	量	數	銀	數
紅茶	二十二萬七千五百担		六百九十三萬兩	
綠茶	二十六萬担		九百七十五萬兩	

以上合計四十八萬七千五百担值銀一千六百六十八萬兩據我國茶商總公會報告前年出口茶值洋一千四百十五萬兩去年比較增加有二百餘萬元云

開平公司之純益

開平礦務有限公司爲舉行股東年會發出通告云本公司訂於一千九百二十五年十二月二日在倫

敦開股東常年大會彼時董事之報告及結至一千九百二十五年止一年之帳略一併彙交查核茲將董事之報告摘錄於左

查本年營業之盈虧帳項下收入結數共英金三十一萬四千一百二十鎊茲將所得算式如左（單位英金鎊）

總局餘利項下所得成分另加在華之利息	一五六、〇三四
滙兌項下餘利	一、二六九
在歐利息	一三、〇九五
代理處經費	六、〇〇〇
付還額外餘利稅	二二、四七九
另星進款	一四八
上屬移來結數（除另星款項）	一八五、四〇六
應除去之數	
歐戰經費	一五、五六一
新息票及記名股票之成本	六五
董事規費	四、二〇〇
所得稅	九〇、四八五

本年五月七日預付股利

七〇,〇〇〇

以上共計

一八〇,三一一

兩相抵除外淨餘英金三十一萬四千一百二十鎊

董事擬按左開數目分攤

按百分之五付末次股利(免收所得稅)計英金七萬鎊董事應得股分計英金二千八百八十五鎊轉入下屆賬內之結數計英金二十四萬一千二百三十五鎊以上共計英金三十一萬四千一百二十鎊

中東鐵路近八年之盈虧比較表

年 度	鐵 路 營 業 之		投 資 各 企 業 之 收 入		非 實 金 各 特 別 事 業 之 收 入	關 於 營 業 合 計		之 益 純
	收 入	支 出	收 入	支 出		收 入	支 出	
一九一三年	1,035,316	1,412,133	678,321	95,455	3,166,033	1,475,959	640,670	
一九一四年	1,108,056	1,536,273	533,353	91,557	3,166,033	1,536,273	721,310	
一九一五年	1,776,885	1,751,505	1,485,953	150,000	3,166,033	1,751,505	1,181,353	
一九二〇年	2,439,948	1,751,505	1,485,953	357,735	3,166,033	1,751,505	1,536,033	
一九二一年	2,354,707	1,751,505	1,485,953	139,755	3,166,033	1,751,505	1,333,588	
一九二二年	2,155,353	1,751,505	1,485,953	131,000	3,166,033	1,751,505	1,089,077	
一九二三年	2,355,879	1,751,505	1,485,953	147,075	3,166,033	1,751,505	1,100,592	
一九二四年	2,589,130	1,751,505	1,485,953	157,904	3,166,033	1,751,505	1,564,858	

特別企 業合計 之	特別企 業合計		總計之		對新事業 之支出	損益比較 之總額
	收入	支出	收入	支出		
特別企	一三,四二九	一三,八〇三	一五,九四三	一五,九四三	—	一五,六四三
業合計	一三,五五〇	一三,七九〇	一四,五二六	一四,五二六	—	一四,五二六
之	一三,四〇九	一三,八四八	一五,九四三	一五,九四三	—	一五,六四三
總計之	三三,〇一八	三三,〇一七	三三,〇一八	三三,〇一七	—	一
對新事業	—	—	—	—	—	—
損益比較	—	—	—	—	—	—

按表內一符號為虧十符號為盈也

北京交易所開做期貨辦法

二月五日經紀公會開會討論答覆交易所要求開做期貨曾經議決函覆該所至三月杪經紀公會復接該所正式答覆照准并定於四月一日實行開做期貨惟原定証據金每萬元預繳現金五百元代用品五百元該所以此數目倘遇意外事故不免多費手續不如改以現金六百元代用品四百元較為便利經交易所與經紀公會磋商就緒茲錄期貨辦法簡章如下

北京証券交易所期貨辦法簡章

第一條 期貨交易除遵照交易所法令及本所一切規章外悉依本簡章辦理之

第二條 期貨定爲本月期下月期兩種

第三條 本証據金每額面萬元預繳現金六百元代用品四百元合計一千元照發買賣票憑票登帳

第四條 每一經紀人每月份期貨交易餘額以二十萬元爲限如欲逾額應按照業務規則第十八條之規定先繳特別証據金每萬元現金二百元每過十萬遞增二百元如遇特別情形由本所臨時酌定公佈之

第五條 每一場內根據前場收盤行市漲落至三百元時即宣告停市俟追金清了再行開市如有未能依時履行者即停止其在場交易並一面限時清了如再逾限照章處分之

第六條 凡有轉賣買回者須根據現有餘額順序沖銷之

第七條 每日後場及次日之前場合爲一計算界限（如遇假期在二天以上本所認爲必要時其假期前後兩場各作一計算界限收付差金之時間臨時規定揭示之）

第八條 約定價格與記帳價格比較所得之差金須於每次計算界限第二場內送交本所（譬如一日後場與二日前場爲第一計算界限其差金應於三日上午交到由此類推）如不交齊即照本所業務規則第六十二條以違約論

第九條 期貨經手費用金每公債額兩萬元共收五元本所收經手費三元經紀人自收佣金二元其經手費每一星期須結清一次於次星期一照數送交本所如有拖欠即照業務規則第六十二條第

五項及第六十七條辦理

第十條 凡期貨買賣當日記帳價格與以後每日記帳價格比較其差額已過三百元時即須追加證據金三百元依此類推

第十一條 每場各經紀人所做期貨種類數量月份須於次場開場時將報告單送交本所備查

第十二條 買賣成立雙方須各在場帳上蓋張不得塗改但如有一方或雙方尙未蓋章者當以所交之交易票為憑不得藉詞推諉其雙方均願取消者須在收盤以前雙方同意彼此蓋章並題出同意書由市場股主任證明方准取消

第十三條 本簡章自理事會議決日施行

日本對外貿易之趨勢

戰時發達 戰後與震災衰頹 現入佳境

日本對外貿易在大戰時曾有異常之發展戰後因受世界一般財政景况不佳之影響為之減退大正十二年又因關東大地震愈覺艱難但至去年漸入佳境頗為該部經濟界所樂觀茲將其消長之大勢錄述如下(單位為一百萬元表示出超)

年	次	輸出入總額	輸	出	入	入	超	額
大正	元	年	一、二四六	五三七	六一九			九二

十	十	十	十	十	十	九	八	七	六	五
四	三	二	一	一	一	一	一	一	一	一
年	年	年	年	年	年	年	年	年	年	年
四、八七六	四、二六〇	二、四三一	三、五二八	二、八六七	四、二八四	四、二七二	三、六三〇	二、六三八	一、八八四	一、二二七
二、三〇五	一、八〇七	一、四四七	一、六三七	一、一二五	一、九四八	二、〇九八	一、九六二	一、六〇三	一、二二七	七五六
二、五七一	二、四五三	一、九八二	一、八九〇	一、六一四	二、三三六	二、一七三	一、六六八	一、〇三五	一、〇三五	三七一
二六六	六四六	五三四	二三三	三六一	三八八	七四	二九四	五六七	五六七	三七一

就輸出入之國別言之輸出市場在一八八〇年時以英國為第一位中國美國次之至二十世紀乃以美國為第一位中國印度南洋次之對於各國輸出額之比較如下(單位為一百萬元)

區	別	大正元年	六年	十一年	十二年	十三年	十四年
北	美	一六八	五七九	七三三	六〇六	七四五	一、〇〇六
中	國	一一四	三一八	三三三	二七二	三四八	五四二
印	度	二三	一〇一	九七	九九	一三五	一七二

南 洋	英 國	二二	二九	六四	二〇二	六八	五四	六一	四〇	八二	六二	一二九
--------	--------	----	----	----	-----	----	----	----	----	----	----	-----

對日本之供給國往昔亦以英國為第一位中國德美次之至近年又讓美國為第一印度英國中國次之而德國南洋澳州亦漸占主要地位其輸入之趨勢如下(單位為一百萬元)

區 別	大正元二年	六	年	十	一	年	十	二	年	十	三	年	十	四	年
北 美	五四	三五九	五九六	五一	六七〇	六六四									
印 度	一三四	二二三	二五四	三〇五	三八七	五七三									
中 國	五四	一三三	一八六	二〇四	二三八	二二五									
英 國	一一六	六三	二二二	二三七	三二二	一二七									
德 國	六一	二	一一〇	一一〇	一四四	一一二									
南 洋	二三	三三	八九	一二七	一二三	一八〇									
澳 洲	一一	三三	八二	九六	一一九	一四一									

就輸出入品之種類言之主要輸出品以生絲占首位棉織物棉紗絲物陶磁水產物精糖製茶紙類等次之大正十四年中生絲輸出額達八億八千萬元占輸出總額百分之三十五綿絲棉織物輸出額共有五億五千萬元若與生絲棉絲布合計實占輸出總額百分之六十二可見生絲及紡織工業為日本

輸出貿易之最大宗生絲百分之九十分綏向美國輸出棉紗布則大半向中國印度南洋輸出主要輸入品棉花鐵機械類油糟木材米麥豆羊毛織物等大正十四年棉花輸入額達九億二千萬元足見紡織工業實占日本工業中重要之地位其他食糧品之米以及工業原料品之輸入亦不少可知衣食住主要資料多仰給於海外也

大陸銀行月刊 第四卷 第三號 調查類 經濟



雜錄類

實業名人言行錄

羅生瓦得小傳

美國芝加哥西斯羅伯克公司(Sears, Roebuck and Company)無不知爲世界最大之通信售貨商店而處其幕後經營擘畫者則羅生瓦得氏也(Julius Rosenwald)先是有某少年嘗用通訊方法售賣鐘錶此後即本此意而廣用之遂有此西斯羅伯克公司其每日所售貨物須七十列車方敷輸運當一九一六年所售貨價總額逾一萬四千元即每日售貨價額達五十萬元凡此皆出諸零售由一雙鞋一套衣服一架縫衣機器一錶一杯一鋼琴集聚而成每日晨曦初動卽有郵差陸續遞入購貨函件自七萬通至十四萬通不等其辦公室內直接雇用之職員約四萬人但店櫃上不售一物即購價值一分之貨物亦必經郵遞該公司之售品目錄書徧佈全美國各書坊無論何著名書籍銷售縱廣終不能如其目錄書之徧及窮鄉僻壤卽其本公司所售之聖經當一九一六年售出四千萬冊然仍不及其目錄書之廣播遐邇也

羅氏雖有此偉大之成功人有稱之者必遜謝謂西斯羅伯克公司之發達非出其力實出其同事合作之功且自奉極儉約當公司新屋落成時各職員以東方地毯獻彼謝受之而終不用謂公司中他人皆無地毯我何獨需此也其推己及人如此衆皆稱之爲支加哥最循良之公民羅氏之爲人並無奇才異能無過人之經商能力望之不似一近代之大商家其可稱之點非其事業乃其本人乃其一己之人格彼誠篤慈祥胸無城府富同情心遇有窮蹙者無論親疏長幼必出全力助之其經商也事事必按步就班必合商業原理未嘗有出奇制勝之心凡通信售貨商店最重要者爲商品目錄書蓋購者不躬赴店鋪則貨之優劣價之低昂全憑之此書也羅氏於西斯羅伯克公司之目錄書內一字一句不使有言過其實之處特聘專家董理其事貨物批入時用科學方法仔細辨別審察雖耗巨費不稍惜若微有欠缺立退回故各製造廠售其出品與該公司亦必或經察驗方敢運出該公司貨物寄出後若購者稍有不滿亦立可退回往返寄費概由公司任之久而久之人民信之深故購者日多其所售貨物凡人意想得到者無不畢備此神奇之商店其發展經過情形如何耶當爲讀者亟欲知者

三十五年前美國收尼蘇連州有少年名西斯者忽發奇想以通信方法售賣鐘錶因廣告敏妙營業甚發達彼預計若積得十萬元即歇業後果得此數遂退休閑居凡六閱月終日無一事轉覺不寧但事前曾有約於三年內不用其己名創辦任何通信售貨商店至是乃與鐘錶商名羅伯克者議定假其名創一通信售貨商店曰羅伯克公司三年後此羅伯克三字在社會上頗有聲譽遂不將原名刪除但加西斯二字稱爲西斯羅伯克公司實則羅伯克非公司內之股東也西斯君頗善經營旋將公司遷至支加

哥營業範圍益加擴充並函售衣服是時羅氏方執縫衣業於支加哥其出品批售與西斯君者頗多繼而各方對衣服之函購需求激增營業日盛所需資本愈多西斯君無力經營邀羅氏加入羅氏知此良機不可坐失立允之

羅氏自幼即好經商其父以縫衣爲業方彼十一二齡時即以其父之出品沿街兜售繼而入校讀書十六齡出校赴紐約至其伯父處助之經營衣服躉售業彼起居極儉約二十一齡時已積得資金若干即以此資加以其父之津貼購得一規模窄小之衣服零售鋪所獲雖不豐但尙足支持一日有某商專製夏季衣服者告彼謂其營業發展異常每日所得定購衣服之電話在六十次以上日夜趕製仍供不應求羅氏嘗告人曰吾當時聞此言大爲聳動思此人所得之交易額乃在其經營能力以上是日寢後輾轉思維中夜忽坐起決意將衣服鋪售去專以縫製夏衣爲業後遂與韋爾君合股創設夏衣縫製及躉批公司初進行頗困難一二年後獲利甚豐後與韋爾拆股自設羅生瓦得公司專製四季衣服是時乃與西斯羅伯克公司發生關係

當一八九五年羅氏別與一人合投資七萬元予西斯羅伯克公司達其總資額之半數初羅氏未躬自加入管理仍專力經營其自創之製衣公司但西斯公司自資本擴充後營業愈盛一年間貿易總價額達五十萬元西斯君不勝繁劇羅氏遂於一八九六年加入爲該公司副經理一九〇八年西斯君引退不視事羅氏遂升爲總經理數年後西斯君逝世

其時無論西斯羅伯克以及其他通信售貨商店於廣告及目錄書不甚注意其語詞往往與實際不符

全國商界之道德觀念頗低羅氏立意以誠實爲前提力矯此弊凡所發廣告及目錄書內務使之無一虛妄之言於是營業蒸蒸日上所售貨物種類亦日繁多又自設工廠製造貨品現廠內工人約二萬名其貨品目錄每年有年刊每季有季刊又實行「若不同意現金退回」之政策此策行後驟博得社會之信仰心營業猛進當一九〇〇年貿易總價額爲一千一百萬元至一九〇六年增至五千萬元一九一四年則增至一萬萬元近三年來又增進約百分之四十云

羅氏思想敏捷譬如常人以爲靴鞋焉能用通信方法售賣羅氏則獨以爲可行試辦後不久一月間售出者總價額達一百萬元無論何零售鞋鋪皆不能及又如百科全書當一九一六年一年間售出價額爲五百萬元亦爲各書坊未有之盛況羅氏遇下甚寬各部經理可自由行施其主張不必有所束繫故有幹才者不患無用武之地人人願效忠於公司惟彼對職員之個人舉止訂規則極嚴若有不端行爲查出即立斥革不稍寬假於男女職員之禮注亦極注意凡一切社交宴會易使男女曠近者皆不允舉行就餐時男女同室而不同桌一日彼見職員餐室內有男女共桌而食詰之則父女二人皆公司內職員也但彼仍令司事者於室旁另設一桌爲此二人餐處俾不與公司章程抵觸其拘謹又如是

西斯羅伯克公司雇職工數萬名皆願爲公司效忠無異志其最大原因蓋由於羅氏所定之儲金分紅辦法使職工得分享公司之盈餘故無外心也簡言之其策如次凡職工願以其薪俸抽去百分之五儲公司內者即可每年得公司淨利五厘按該公司通常營業情形計算若某工人每星期工資二十元抽出一元存公司內十五年後存入者七百八十元但實際取得者達三千四百二十八元三十年後存入

者一千五百六十元而實收一萬零五百五十六元於存者利益極大此外於每年薪金在一千五百元以下者尙另有優惠辦法入公司服務滿五年後於第五週年可得獎金達年俸百分之五第六週年得年俸之百分之六以此款推至第十年得年俸之百分之十此後每年可得年俸百分之十之獎金譬如工人每星期得工資二十五元十年後每年可得獎金一百三十元所獲既豐工作成績自優矣羅氏年來於各慈善教育機關捐贈巨款述不勝述且不好虛名彼曾爲支加哥大學建一廳該校將名之爲羅生瓦得廳而羅氏不允後卒趁彼遠行以其名鐫之壁上實則此舉非其本意也其爲人尤有一點最足稱者蓋彼純孝性成有老母年八十餘每晨出時必先存問若有遠行歸時雖有百端待理必先候其母平時於公司事務擘畫經營不遺餘力而與其母相接則百事拋開溫婉如孺子人不知其爲美國大商人羅生瓦得也

大陸銀行月刊 第四卷 第三號 雜錄類



一百零二